

M402: Berliner Evangelistar

- 1r,1 zeichen werden geschen an der sunnen . vnde an dem mane . vnde an
 1r,2 den sternem . vnde in dem ertrichen gedrenge der geslechte
 1r,3 von dem sturme des luttenden meres . vnde
 1r,4 der wazzere . vnde dy luete sullen dorren vor vorchten .
 1r,5 vnde uor der leitung dy kumende ist alle der
 1r,6 werlde . wen dy tugende der hemele . werden bewegen .
 1r,7 vnde denne sullen sy sen kumende in den wolken
 1r,8 des menschen svn mit grozer gewalt vnde herschaft .
 1r,9 so dese dink begynnen geschen . so set uch vmme
 1r,10 vnde hebit uf vwir houbit wen uch weckit
 1r,11 vwir irloser . der saite her in eyn glichnisse . “set an
 1r,12 den vicboum . vnde an alle boume . alse sy itczunt
 1r,13 brengen ere frucht so wizzit ir das der sumer nahen
 1r,14 ist . in der selbyn wise . wen ir set dese dynk geschen .
 1r,15 so wizzit daz nahen ist daz riche gotes .
 1r,16 ich sage uch vor war daz nicht vorget daz geslechte
 1r,17 er dese dynk alle geschen . hemyl vnde erde sullen voren .
 1r,18 abir myne wort sullen nicht voren .” an der mittewoche dor noch . s . s .
 matheus .
 1r,19 IN der czit . saite
 1r,20 ihesus den scharen . “ich sage uch werlichen iz ist nicht
 1r,21 grozer svn uf gestanden vndir den sunen der wibe
 1r,22 den iohannes baptista . abir der . der mynner ist in
 1r,23 dem riche der hemele der ist grozir denne her . sundir
 1r,24 von den tagen iohannis baptisten biz her . lidit
 1r,25 craft daz riche der hemele . vnde wirt begriffen myt
 1r,26 gewalt . alle dy propheten . vnde e . vnde alle dy geprophetiret
 1r,27 han . ab ir iz wolt vornemen . her ist
 1r,28 elyas . der do kumftik ist . dy oren han dy horen .”

 1v,1 an dem vritage dor noch . s . s . matheus IN der czit
 1v,2 gap iohannes geczugunge von dem heren . vnde
 1v,3 rif sprechende . “dirre ist der von deme ich gesprochen
 1v,4 han . der noch mir kumftik ist . der ist vor mir
 1v,5 gemacht . wenne her denne . e . waz ich . vnde von
 1v,6 syner vbirfluzzekeit habe wir inphangen alle
 1v,7 gnade vmme gnade . wen dy e durch Mose gegeben ist ist dy genade vnd
 dy warheit gegeben durch ihesum cristum .

1v,8 got hat nymant . y . gesen abir den eynbornen
 1v,9 svn der ist in dem chore synes hemylischen vatirs
 1v,10 hat do von gesprochen in dem dritten suntage in dem aduent . s . s .
 matheus .
 1v,11 IN der czit .
 1v,12 do iohannes in den benden horte . dy werk cristi . do
 1v,13 sante her czwene syner iungeren . vnde sprochen
 1v,14 czu ym . “bist u der . der do kumen sal . adir beite wir
 1v,15 eynes anderen .” do antworte ihesus . vnde sprach
 1v,16 czu in . “get vnde sagit iohanni daz ir hat gehort
 1v,17 vnde gesen . dy blynden dy sen . dy lamen dy gen .
 1v,18 dy vzseczegen werden gereyneget . dy touben horen .
 1v,19 dy toten irsten . dy armen werden getrost . selik
 1v,20 ist der . der nicht in wirt geergirt an mir .” do
 1v,21 dy iungern waren wek gegangen . do kundegete
 1v,22 ihesus vnde saite den scharen von iohanni . “wez
 1v,23 sit ir uz gegangen in dy wustenunge sehende eyn
 1v,24 ror geiagit von dem wynde . durch waz sit ir uz
 1v,25 gegangen sende eynen menschin myt weichin
 1v,26 cleideren gecleidit . set dy weichlichen gecleidit syn
 1v,27 in der kunege huz . durch waz sit ir uz gegangen
 1v,28 czu sehene eynen propheten . ouch sage ich uch .

2r,1 vnde me den eyn prophete . her ist der von deme
 2r,2 geschriben ist . sich ich sende mynen engil vor dyme
 2r,3 antlicze der do sal bereiten dynen wek vor dir”
 2r,4 an der mittewoche dor noch . s . s . lucas IN der czit
 2r,5 wart gesant der engil gabriel von gote czu eyner
 2r,6 stat czu galylea dy heizit nazareth czu eyner iuncvrouwyn
 2r,7 dy da czu eyner huzvrouwen gegebyn
 2r,8 wart eynem manne des namen waz ioseph von
 2r,9 dauidis huz vnde der iuncvrouwen name waz
 2r,10 maria . vnde der engil gynk hyn vnde sprach czu ir .
 2r,11 “gegruzit sis tu vol genaden got ist myt dir gebenedyet
 2r,12 bist u vor allen wiben .” do sy dese rede gehorte . do
 2r,13 irschrak sy . vnde dachte welch desir gruz syn mochte .
 2r,14 do sprach der engil . “in vorchte dich nicht maria . du
 2r,15 hast genade funden bi gote . sich du salt intphan
 2r,16 vnde geberen eynen svn . vnde du salt heizen den
 2r,17 namen syn ihesus . her wirt groz vnde wirt svn des
 2r,18 obirsten geheizen . vnde got wirt ym geben den stul
 2r,19 synes vatirs dauidis . vnde wirt herre wesende in
 2r,20 iacobs huze ewiclichen . vnde synes riches wirt keyn
 2r,21 ende .” do sprach maria czu dem engele . “wy mak dis
 2r,22 geschen . wen ich den man nicht bekenne .” do
 2r,23 entworte der engil . vnde sprach . “der heilege geist
 2r,24 kumet von obene in dich . vnde dy craft des obirsten
 2r,25 wirt dich beschaten . dor vmme waz uz dir wirt geborn

- 2r,26 heilegis daz sal heizen werden gotes svn . vnde
 2r,27 sich elyzabeth dyne frundynne hat ouch intphangen
 2r,28 eynen svn in erem aldere . vnde iz ist

 2v,1 der sechste mane der dy do geheizen ist vnfruchtber
 2v,2 wenne nicht vmmugelich wirt by gote eyn iclich
 2v,3 wort .” do sprach maria czu dem engele . “sich gotes
 2v,4 dirne myr gesche noch dynen Worten” an dem fritage dor noch schribit
 sente lucas
 2v,5 IN der czit
 2v,6 machte sich uf maria vnde gynk in daz gebirge
 2v,7 snelleclich in dy stat czu iuda . vnde gynk in hern
 2v,8 zacharias huz . vnde gruzte sente elyzabeth . vnde
 2v,9 iz geschach do sente elyzabeth horte mariam gruz
 2v,10 daz sich daz kint in irme lybe vrouwete . vnde sy do
 2v,11 irfullit wart mit dem heiligen geiste . elyzabeth
 2v,12 rif mit grozer stymme . vnde sprach . “selik bist u vndir
 2v,13 den wiben . vnde gebenediet sy dy frucht dynes
 2v,14 lybes . vnde von wanne kumit mir daz . daz du czu
 2v,15 mir kumen bist mynes h’reu muter . sich wen do
 2v,16 gemacht ist dy stymme dynes gruzes in mynen
 2v,17 oren . so hat sich daz kint beweget mit vrouden in
 2v,18 myme lybe . vnde selik bist u wen du gelobit hast
 2v,19 wen in dir sullen volbracht werden dy dynk . dy
 2v,20 dir gesait syn von dem herren .” do sprach maria .
 2v,21 “grozlichen lobit myne sele den herren . vnde myn
 2v,22 geist vnde myn geist hat sich gevrouwit in gote
 2v,23 myner selekeit” an dem sunnabende dor noch . s . sente iohannes
 2v,24 Daz anbegyn dez ewangelii .
 2v,25 ihesu xp-i gotes sunes also geschriben ist in deme
 2v,26 ppheten . ysayas . “sich ich sende mynen engil der
 2v,27 dynen wek sal bereiten vor dir . eyn stymme rufende
 2v,28 in der wstenunge . bereitet den wek dem herren

 3r,1 machit syne styge recht .” iohannes waz in der
 3r,2 wstenunge rufende vnde predigende dy toufe der
 3r,3 ruwe in ablazunge der sunden . do gyngen uz czu ym
 3r,4 alle dy riche . von iuda vnde von iherusalem . vnde
 3r,5 wrden touft von ym in deme iordane vnde bichten
 3r,6 ere sunde . vnde iohannes waz gecleidit mit locken
 3r,7 der eleuanten . vnde hatte bant von schafes wolle
 3r,8 vmme syne lenden . heuschrecken vnde walthonyc
 3r,9 az her vnde predigete . vnde sprach . “nach mir kumt
 3r,10 eyn sterker wen ich byn . ich in byn des nicht wirdik
 3r,11 daz ich mich nydir boyge vnde lose den rymen
 3r,12 syner schue . ich toufe uch in dem wazzere abir her
 3r,13 sal uch toufen in dem heiligen geiste” an dem virden suntage des adventes
 . s . s . ioh’es

- 3r,14 IN der czit santen
 3r,15 dy iuden von iherusalem pristere . vnde leuiten czu
 3r,16 iohanni vf daz . daz sy in fregente “wer bist u .” do bekante
 3r,17 her vnde loukenten nicht . her beiach vor ware
 3r,18 vnde bekante . “ich byn nicht cristus .” do fregeten sy
 3r,19 in . “waz dar vmme . elyas bist u .” do sprach her . “ich byn
 3r,20 iz nicht .” do sprochin sy . “eyn prophete bist u .” do antworte
 3r,21 her . “neyn .” do sprochen sy . “wer bist u daz wir antworten
 3r,22 den dy vns gesant han . waz spriches tu von dir
 3r,23 selbe .” do sprach her . “ich byn eyne stymme des
 3r,24 rufenden in der wustenunge . bereitet den wek
 3r,25 des herren . alse gesprochen hat . der prophete
 3r,26 ysaia .” vnde dy do gesant waren . dy waren von
 3r,27 den gliseneren . do fregeten sy in . vnde sprachen
 3r,28 “wor umme toufes du denne . so du nicht bist

 3v,1 cristus noch elyas noch eyn prophete .” do antworte
 3v,2 sente iohannes . vnde sprach . “ich toufe uch in
 3v,3 dem wazzere . abir mitten in vch hat gestanden
 3v,4 des ir nicht in wizzet . vnde ir bekennet syn nicht
 3v,5 der do toufet in dem heiligen geisten . her ist der .
 3v,6 der noch mir kumende ist . vnde der vor mir gemacht
 3v,7 ist . des schuerymen ich vnwirdik byn
 3v,8 czu losene .” diz geschach czu betanie andersyt
 3v,9 des iordanis . do iohannes waz toufende an dem cristes abynde schribit . s
 . matheus
 3v,10 IN der czit
 3v,11 do maria ihesus muter waz iosephe gelobit . er
 3v,12 sy czusamene quemen . wart sy gefunden habende
 3v,13 in dem lybe den heiligen geist . sunder ioseph
 3v,14 ir man waz gerecht . vnde wolde sy nicht uorleiten .
 3v,15 vnde sy heymelichen lazen . sundir do her
 3v,16 alsus gedachte . do irschein ym der engil alsus in
 3v,17 dem slafe . vnde saite ym . “ioseph dauidis svn . du
 3v,18 salt dich nicht vorchten daz du nemes mariam
 3v,19 dyne husvrowe wen daz in ir geboren ist daz
 3v,20 ist von dem heiligen geiste . sy sal eynen svn gewynnen .
 3v,21 vnde synen namen salt u heizen ihesus .
 3v,22 wen her sal syne werlt gesunt machen von
 3v,23 den sunden” in der ersten hancrat cristes . s . s . lucas
 3v,24 IN der czit gynk eyne rede vz von dem
 3v,25 keisere augusto . daz man alle dy werlt beschrebe .
 3v,26 dese erste beschribunge ist getan von dem
 3v,27 beschoue cyrino von syrien . vnde do gy-gen sy
 3v,28 alle . uf daz sy gyngen sundirlichen in ere stat .

 4r,1 vnde ioseph gink ouch von galylea von der stat
 4r,2 nazareth in dy iudische stat dauidis . dy do heizit

- 4r,3 bethleem . dar umme daz her waz von dem
 4r,4 huese . vnde uon dem gesynde dauidis uf daz her
 4r,5 belege mit marien dy im waz gemalit czu einer
 4r,6 husvrowyn . sundir iz geschach do sy do waren dy
 4r,7 tage wurden irfullit . daz sy gebar . vnde gewan
 4r,8 irn eynborn svn . vnde want in in eyn tuch . vnde
 4r,9 leite in in eyne crippe . wen sy hatte keyne stat
 4r,10 in dem huse der gemeyne . vnde dy hirten waren
 4r,11 in dem selben lande wachende . vnde hutende dy
 4r,12 wache der nacht uf irme vie . vnde sich . der engil
 4r,13 vnsis herren stunt by in . vnde dy clarheit vmscheyn
 4r,14 sy . vnde sy vorchten sich mit grozem angiste .
 4r,15 vnde der engil sprach czu in ir sullit uch
 4r,16 nicht vorchten . sed wenne ich kunde uch groze
 4r,17 vroude dy alle dem volke sal werden . wen vns
 4r,18 ist hute geborn eyn heilant der do ist eyn herre
 4r,19 in der stat dauid . vnde daz sy uch eyn ceichen
 4r,20 ir sullit vynden eyn kint in tucheren bewonden .
 4r,21 vnde geleit in eyne crippen vnde da waz mit deme engele eine samenunge
 des hemelischen
 4r,22 heres lobende got . vnde sprechende . “ere
 4r,23 sy gote in den hoen . vnde den lueten uf der erden
 4r,24 vrede dy do syn gutes willen” in der morgenstunde des tages . schribit .
 sente . lucas
 4r,25 IN der czit
 4r,26 sprachen dy herren czusamene . “wir gen czu
 4r,27 bethleem . vnde sen daz wort daz gemachit
 4r,28 ist . daz got vns bewiset hat .” do quomen sy

 4v,1 vnde funden marien vnde ioseph vnde eyn kint
 4v,2 geleit in eyne crippe . sundir do sy iz sahen do bekanten
 4v,3 sy von den Worten . daz in gesait waz
 4v,4 von dem engele vnde von dem kinde . vnde alles
 4v,5 daz iz horte dy wndirten sich von deme daz in
 4v,6 gesait wart von den hirten . sundir maria hilt
 4v,7 czusamene alle dese wort czu vollbrengene in
 4v,8 erem herczen . vnde do quomen dy hirten wedir
 4v,9 erende vnde lobende got in allen den dyngen dy
 4v,10 sy gehort hatten vnde gesen also in waz czu gesprochen
 4v,11 in der hoen cristes mette . schribit . s . iohannes
 4v,12 IN dem begynne waz ein wort . vnde
 4v,13 daz wort waz by gote . vnde got waz daz wort .
 4v,14 daz waz by deme begynne by gote . alle dynk
 4v,15 synt gemachet durch en . vnde ane en ist gemachit
 4v,16 nicht . daz gemachit waz in ym daz waz daz
 4v,17 lebyn . vnde daz lebyn waz eyn licht der leute
 4v,18 vnde daz licht luchtete in dem vynsternysse .
 4v,19 vnde dy vynsternisse begriffen iz nicht . iz waz

4v,20 eyn mensche gesant von gote . des namen waz
 4v,21 iohannes . der quam durch daz geczucnyse daz
 4v,22 her geczugete von dem lichte daz dy lute geleubeten
 4v,23 an in . nicht waz her daz licht . sundir
 4v,24 daz her beczugete von dem lichte . iz waz eyn
 4v,25 war licht daz irluchtet eyn iclich mensche . der
 4v,26 do kumende ist in dese werlt . her waz in der
 4v,27 werlde . vnde dy werlt waz durch in gemachit
 4v,28 vnde dy werlt in kante syn nicht . her quam

5r,1 an sine herschaft . vnde dy synen namen en czu
 5r,2 in nicht . abir dy in czu sich namen . den gab
 5r,3 her gewalt gotes kindir czu werdene . wen dy
 5r,4 do geloubeten an synen namen . dy nichit von
 5r,5 den sunden . noch von dem willen des fleichis .
 5r,6 noch von dem willen der manne . sed sunder von
 5r,7 gote sint sy geborn . vnde daz wort ist gemachit
 5r,8 fleisch . vnde hat gewonit in vns . vnde
 5r,9 wir han gesen syne ere . ere also eins eynbornen
 5r,10 svnes von dem vater vol genaden . vnde warheit
 5r,11 an sente stephans tage schribit . s . matheus
 5r,12 IN der czit sprach ihesus czu den scharen der iuden
 5r,13 vnde czu den fursten der pristere . “sed ich sende czu
 5r,14 uch propheten vnde wissagen . vnde meistere . vnde
 5r,15 uz den sullit ir toten . vnde creucegen . vnde geiselyn .
 5r,16 in vweren synagogen . vnde ir sullet in noch
 5r,17 volgen . von einer stat czu der anderen . uf daz .
 5r,18 daz uf uch kume ein iclich gerecht blut . daz
 5r,19 do gegozen ist uf der erden von dem blute abellis
 5r,20 czu dem blute zacharien hern barachien
 5r,21 sunis den ir tottet czwischen dem tempil . vnde
 5r,22 dem altere . ich sage iz vor war . iz sal kumen uf
 5r,23 dese geslechte . iherusalem ierusalem du totes dy
 5r,24 propheten . vnde steynes dy czu dir gesant syn
 5r,25 wy dicke wolde ich samen dyne kindere czu glicher
 5r,26 wiz alse dy henne sament ere kuechele .
 5r,27 vndir ere vlugele . vnde du in woldist nicht .
 5r,28 sich vwir huz sal wuste gesagen werden . sundir

5v,1 ich sage uch . ir sehit mich nicht mer biz man
 5v,2 sprichit . gebenediet sy der . der do kumt in deme
 5v,3 namen vnses heren” an sente iohannis tage . s . s . iohannes
 5v,4 IN der czit saite ihesus czu sente
 5v,5 petir . “folge mir .” do karte sich sente petir vmme .
 5v,6 vnde sach den iungern den ihesus lip hatte nach
 5v,7 ym folgen . der do in slif uf synen brusten in dem
 5v,8 abentezzene . vnde sprach . “herre wer ist der . der
 5v,9 dich vorraten sal .” do den sente petir sach . do sprach

- 5v,10 her czu ihesum . “herre waz wilt u von deseme .” do
 5v,11 sprach iesus czu ym . “ab ich wil daz her also blybe
 5v,12 biz ich kume . waz ruchis tu . volge du mir .” dese
 5v,13 rede uz gynk vndir den bruderen . daz der iunger
 5v,14 nicht in stirbit . vnde ihesus saite ym nicht
 5v,15 her stirbit nicht . sundir “ich wil daz her also blibe
 5v,16 biz ich kume . waz ruchis tu .” diz ist der iunger
 5v,17 der diz beczuget . vnde beschribit iz . vnde wir wizzen
 5v,18 wol daz war ist syn geczucnyss an der kindelyne tage . s . s . matheus
 5v,19 IN der czit irscheyn
 5v,20 der engil vnsis heren . iosephe in dem slafe . vnde
 5v,21 sprach . “stant uf vnde nym daz kint . vnde syne
 5v,22 muter . vnde fluch in egiptenlant . vnde
 5v,23 biz da biz ich dir czu spreche . wen iz ist czukumftyk
 5v,24 daz herodes daz kint suchende ist czu
 5v,25 vorlysene .” do stunt her uf vnde nam daz kint
 5v,26 vnde syne muter des nachtes . vnde gink in egiptenlant .
 5v,27 vnde waz alda biz czu herodes tode
 5v,28 uf daz . daz irfullit wrde daz gesprochen ist von
- 6r,1 vnsem herren . durch den propheten . der sprichit .
 6r,2 “von egyptenlande han ich mynen svn geladen .”
 6r,3 do herodes sach daz her betrogen waz von den den
 6r,4 ku-gen do wart her sere czornyk . vnde do sante
 6r,5 her . vnde liz alle kyndir toten . dy do waren
 6r,6 czu bethleem . vnde in allen synen enden von
 6r,7 czwen iaren . vnde da by nyden noch der czit alse
 6r,8 her hatte gefreget von den kunigen . do wart irvullit
 6r,9 daz gesprochen waz durch den propheten
 6r,10 ieremiam der do sprach . “eyne stymme ist gehort
 6r,11 in der hoe weynende vnde vil hulenys . rachel
 6r,12 weynte syne svne . vnde in wolde nicht getrost
 6r,13 werden . wen sy nicht in synt” an dem suntage noch der geburt vnsis herren
 . s . s . lucas
 6r,14 IN der czit
 6r,15 waz maria ihesus muter vnde ioseph wndirnde
 6r,16 von den dyngen dy man von ym sprach . vnde
 6r,17 symeon benedyete sy . vnde sprach . czu mariam
 6r,18 syner muter . “sich her ist gesaczit czu eyne valle
 6r,19 vnde czu eyner vfirstendunge manchir czu ierusalem .
 6r,20 vnde czu eyne czeichene deme wissagit wirt .
 6r,21 vnde durch dynes selbis sele sal eyn swert gen
 6r,22 uf daz manchis herczen gedanken geoffenbarit
 6r,23 werden .” vnde anna waz dy prophetisse tochter
 6r,24 phanuelis von dem geslechte assir dy
 6r,25 hatte vil tage gelebit mit manne sebyn iar
 6r,26 iuncvrowe . vnde hatte gelebit wittewe achczik
 6r,27 iar vnde vier iar . vnde in weich nicht

- 6r,28 von dem tempil . sundir sy dynte gote nacht
- 6v,1 vnde tak . vnde czu der selben stunde do daz kynt
 6v,2 ihesus czu dem tempil bracht wart . do bekante
 6v,3 sy von ym . vnde sprach allen den czu dy do beitende
 6v,4 waren der irlosunge iherusalem . vnde do sy alle
 6v,5 dynk irfullit hatte . noch der . e . moysy do gygen
 6v,6 sy wedir czu galylea in dy stat nazareth . also daz
 6v,7 kynt wuchs . vnde wart gecrefteget wol myt
 6v,8 wysheit . vnde dy gnade gotes waz myt ym . an
 6v,9 dem achten tage der geburt vnsis h'ren . s . s . lucas
 6v,10 IN der czit do achte tage waren geendet . daz man
 6v,11 daz kynt besnete . do wart syn name geheizen
 6v,12 iesus . daz geheizen waz von dem engele er den
 6v,13 her in deme lybe wrde intpfangen an dem abynde der offenbarunge vnsis
 h'ren . s . s . math
- 6v,14 IN der czit .
 6v,15 do herodes tot waz . do irscheyn der engil vnser
 6v,16 herren . in dem slafe iosephe in egypto . vnde sprach
 6v,17 "stant uf vnde myn daz kynt . vnde syne muter [...][]" Do stuont her uf
 6v,18 vnde quam in daz lant czu iherusalem . sundir do her
 6v,19 horte daz archelaus . wen eyn herre vbir iudische
 6v,20 lant vor synem vatir vor dem vorchte her sich
 6v,21 dar czu gene . vnde her wart gemanet in dem
 6v,22 slafe do czoyte her czu galylea . vnde quam in
 6v,23 eyne stat dy heizet nazareth . vnde wonete do
 6v,24 vffe daz . daz irfullit wrde daz gesprochen ist
 6v,25 von dem propheten . "nazarenus sal her heizen"
 6v,26 an dem tage der offenbarunge vnsis h'ren . s . sente matheus
 6v,27 Do got geborn wart in
 6v,28 bethleem iude . in dem tagen kuneges
- 7r,1 herodes . sich do quamen dy kunyge von osten
 7r,2 czu iherusalem . vnde sprachen . "wo ist der geborn
 7r,3 ist der iuden kunyk . wen wir sahen synen
 7r,4 sternen in ostenlande . vnde syn kumen
 7r,5 her . in an czu betene" Do der kunig Herodes daz gehorete forchte her sich
 vnde alle czu iherusalem
- 7r,6 myt ym . vnde her samente alle dy fursten der
 7r,7 pristere . vnde dy wissagen vnde vorschte vlysclichen
 7r,8 von in . wo cristus geborn were . do sprochen
 7r,9 sy "czu bethleem in der iudischen stat . wen
 7r,10 also ist geschreben . durch den propheten . iude
 7r,11 du bethleem iudisch lant du bist nicht dy mynste
 7r,12 vndir den fursten der iudischen lande . wen
 7r,13 vz dir sal gen der leiteman der myn ysrahelische
 7r,14 volk sal berichten ." do liz herodes dy kunege
 7r,15 heymelichin czu ym laden dy kunege

- 7r,16 vnde larte von in dy czit des sternes der yn
 7r,17 waz irschenen vnde sante sy czu bethleem .
 7r,18 vnde sprach . “get vnde freget vlizedlich noch
 7r,19 dem kynde . vnde alse ir iz vyndit . so inpitet
 7r,20 mir s her wedir . vnde daz ich ouch kume vnde
 7r,21 bete iz an .” do sy den kunyk horten . do gygen
 7r,22 sy hyn wek . vnde sich der sterne den sy sohen
 7r,23 in ostenlande . der gynk in vor biz daz
 7r,24 her quam do stun her boben do daz kynt waz
 7r,25 do sy den sternem sohen do wrden sy gevreuwit
 7r,26 myt vil grozer vreuden . vnde gygen in daz
 7r,27 huz . vnde funden daz kynt mit syner muter
 7r,28 marien vnde knyten nydir vnde ane betten

 7v,1 sy iz . vnde toten eren schacz uf vnde oppherten
 7v,2 ym gabe . golt . wirouch vnde myrre . vnde eyne
 7v,3 stymme quam yn czu in dem slafe daz sy nicht
 7v,4 wedir quemen czu herode eynen anderen wek
 7v,5 quamen sy wedir in ir lant an dem vritage dor noch . s . s . iohes
 7v,6 IN der czit . ist geschen do allis
 7v,7 daz volk getouft wart von iohanne vnde her
 7v,8 gote toufte vnde bette . do wart der hemyl geoffent .
 7v,9 vnde der heilege geist gynk her nydir
 7v,10 alse eyne tube in yn . vnde eyne stymme wart
 7v,11 von dem hemyl getan . “du bist myn lybir
 7v,12 svn in dir behage ich mir wol .” vnde ihesus
 7v,13 waz begynnende alse drizik iar . vnde
 7v,14 wart gewenet iosephis svn . svndir ihesus
 7v,15 vol des heiligen geistes an dem suntage in der offenbarunge vnsis herren .
 s . s . lucas
 7v,16 IN der czit
 7v,17 do ihesus waz czwelf iar alt do gynk her
 7v,18 mit syner mutir vnde mit ioseph . von nazareth
 7v,19 czu iherusalem noch der gewonheit der
 7v,20 hochczit des tages . do dy hochczit vorgangen
 7v,21 waz . vnde ioseph vnde maria gy-gen wedir
 7v,22 czu huz czu nazareth . do bleib daz kynt czu
 7v,23 iherusalem vnde syn mutyr vnde syn vater
 7v,24 dy wusten iz nicht . Sy wenten daz her mit in
 7v,25 vf dem wege were . vnde . sy suchten in vndir
 7v,26 den magen vnde vndir frunden vnde
 7v,27 en funden syn nicht . do gygen si wedir czu
 7v,28 iherusalem vnde suchten en vnde funden en

 8r,1 nach dem dritten tage in dem tempil siczen vndir
 8r,2 den meisteren sy horende vnde vregende .
 8r,3 [...] [...] do sprach syn muter czu ym . “svn waz has tu
 8r,4 vns also getan . ich vnde dyn vater trurende

- 8r,5 haben dich gesucht .” do sprach her czu en . “vnde
 8r,6 waz dar umme daz ir mich hat gesucht . wustet
 8r,7 ir des nicht daz ich an dem dyngen muste
 8r,8 syn . dy mynes vater synt .” vnde sy vornomen
 8r,9 des wortes nicht . daz her czu en sprach
 8r,10 vnde her gynk myt en czu nazareth . vnde
 8r,11 waz en vndirtenyk . vnde syne muter behilt
 8r,12 alle dese wort in erem herczen . vnde ihesus
 8r,13 nam czu an aldere . vnde an wisheit . vor gote
 8r,14 vnde vor den luten an der mittewochen dor noch . s . s . iohannes
 8r,15 IN der czit . sach iohannes ihesum
 8r,16 czu ym kumen vnde sprach . sich gotes lamp
 8r,17 sich den der do treit dy sunde der werlde . her ist
 8r,18 der von dem ich gesprochen han . noch myr
 8r,19 kumpt eyne man der vor mir gemachit ist .
 8r,20 vnde her waz er denne ich . vnde ich in wuste syner
 8r,21 nicht . sundir uf daz . daz her geoffenbaret
 8r,22 wrde czu iherusalem . so byn ich kumen czu
 8r,23 toufene in dem wazzere . vnde ich iohannes
 8r,24 beczugete . vnde sprach . ich sach den heiligen geist
 8r,25 her nyder kumen also eyne tube . vnde dy
 8r,26 bleib uf ym . vnde ich en wuste syner nicht
 8r,27 abir der mich hiz toufen in dem wazzere .
 8r,28 der sprach czu myr . “uf weme sehis tu kume-

 8v,1 den geist . vnde bliben . der ist de . der do toufet in
 8v,2 dem heiligen geiste .” vnde diz han ich gesen . vnde
 8v,3 beczuget . wen her ist cristus gotes svn . an dem vritage dor noch . s . s . io
 8v,4 IN der czit . do ihesus horte
 8v,5 daz iohannes vorraten waz . do weich her czu
 8v,6 galylea . vnde liz syne stat nazareth . vnde qua-
 8v,7 vnde wonte czu capharnaum in dem lande maritima
 8v,8 in den enden zabulon vnde neptalym . uf daz .
 8v,9 daz irwullit wrde daz gesprochen wart .
 8v,10 durch den propheten ysaiam . her sprach . “erde zabulon
 8v,11 vnde neptalym eyne wek des meris . andirsyt .
 8v,12 des iordanis des volkes czu galylea . daz volk
 8v,13 daz do saz in dem vynsternisse sach eyne groz licht
 8v,14 vnde dy do siczende waren in dem lande vndir dem
 8v,15 schaten des totes den irscheyn licht .” vnde do von
 8v,16 begonde cristus predigen vnde sprach . “habit ruwe .
 8v,17 wen daz riche nehent uch der hemele .”
 8v,18 an dem ersten suntage noch der offenbarunge schribit . s . s . iohannes
 8v,19 IN der czit . waz gemachit .
 8v,20 eyne wirtschafft in kana galylee . vnde waz ihesus .
 8v,21 vnde syne muter . vnde syne iungern geladen
 8v,22 czu der wirtschafft . do des wynes gebrach .
 8v,23 do sprach iesus muter czu ym . “sy in haben nicht

- 8v,24 wynes .” do sprach ihesus czu ir . “waz ist mir vnde
 8v,25 dir wip dor umme . myn czit ist noch nicht
 8v,26 kumen .” do sprach syn muter czu den tysschenken .
 8v,27 “waz her uch sait daz tut .” sundir do waren
 8v,28 gesaczt sechz steynyne cruege mit wazzere . [...] [...] [...] [...]
- 9r,1 vnde sy fulten sy alle daz sy vbir fluzzen . do sprach
 9r,2 ihesus . “brenget sy architriclino .” vnde brochten sy
 9r,3 ym . do architriclinus gesmacte daz wazzer waz
 9r,4 gemachit czu wyne . vnde her in woste nicht wo
 9r,5 daz geschen waz . vnde do diz dy dynstlute wosten
 9r,6 wol dy daz wazzer gefullet hatten . do rif architriclinus
 9r,7 den brutegum vor sich vnde sprach
 9r,8 “eyn ylich marschalk schenkit czu dem ersten vore
 9r,9 den besten wyn . vnde wenne sy vortrunken
 9r,10 werden so schenken sy den snoden . abir du hast
 9r,11 den besten behalden biz her .” diz erste czeichen tet
 9r,12 ihesus czu kana galylee . vnde offenbarte syne ere
 9r,13 vnde syne iungern geloubeten alle an en . an der mittewochen dor noch . s
 . s . lucas
- 9r,14 IN der czit gynn ihesus
 9r,15 wedir in syne tugent des geistes czu galylea . vnde
 9r,16 iz waz mer von ym vbir alle diz lant . vnde her
 9r,17 lerte in der synagogyn der iuden . vnde her wart
 9r,18 grozlichin gelobit von allen luten . vnde her
 9r,19 quam czu nazareth do her geczogen waz . vnde
 9r,20 gynn noch syner gewonheit an dem suntage
 9r,21 in dy synagogen . vnde stunt uf czu lerene do wart
 9r,22 wart ym eyn buch gegebyn des propheten ysaias .
 9r,23 vnde her tet daz buch uf . vnde vant dor inne
 9r,24 geschrebyn . “der geist des herren vf mich . dor
 9r,25 vmme daz her hat mich gesalbet . vnde
 9r,26 gesant czu troste den armen vnde gesunt
 9r,27 czu machende dy . dy do synt ruweges
 9r,28 herczen vnde czu p-digende den gevangen
- 9v,1 czu einer irlosunge . vnde den blynden daz dy
 9v,2 gesen .” vnde do her daz buch czu tet . do gab her
 9v,3 iz en wedir . vnde saczte sich . vnde alle dy in
 9v,4 der synagogen waren dy sahen en an Do begonde
 9v,5 her sprechen en czu “hute ist irfullet dy
 9v,6 schrift in vjern oren .” vnde sy gaben ym alle
 9v,7 geczucnyse . vnde wndirten sich der worte der
 9v,8 gnaden dy von Syme munde fluzzen
- 57r,23 an dem grundonrstage schribit sente iohes daz nve gebot der martere
 57r,24 IN der czit saite Jhesus
 57r,25 synen iungeren . “uor war sage ich uch . der

57r,26 knecht ist nicht obir den herren . noch der
 57r,27 bote ist obir den der en sendet . Ist iz daz ir
 57r,28 dy dynk tut . so werdet ir heilik . ich sage

 57v,1 uch nicht uon allen . ich weiz dy . dy ich uz
 57v,2 gekorn habe . abir daz dy schrift irfullet
 57v,3 werde . yener der daz brot mit mir izzet .
 57v,4 der sal wedir mich uf boren . uor war sage
 57v,5 ich uch . er diz gesche . uf daz wen iz gesche .
 57v,6 so geloubit daz ich iz byn . uor war
 57v,7 sage ich uch . wer inphet den ich sende . der
 57v,8 nymet mich . vnde wer mich inphet . der
 57v,9 enphet . den . der mich gasant hat .” do ihesus
 57v,10 diz sait hatte . do wart her betrubit an
 57v,11 dem geiste . vnde beczugete . vnde sprach . “ich
 57v,12 sage uch uor war . eyner vndir uch uorretet
 57v,13 mich .” dor vmme sahen dy iungeren eyner
 57v,14 uf den anderen . vnde czwyuelten uon weme
 57v,15 her daz spreche . vnde do waz eyner legende
 57v,16 an ihesus schoze . den her lip hatte .
 57v,17 dor vmme kvndegete ym symon petrus . vn-
 57v,18 saite ym . “wer ist der do her abe sprichet .” dor
 57v,19 noch do her gelegen hatte uf ihesus bruste
 57v,20 do sprach her czu ym . “herre wer ist iz .” do
 57v,21 antworte ym ihesus . “diz ist her dem ich diz
 57v,22 nazze brot reiche .” do her daz genezzet
 57v,23 hatte . do gab her iz iudas . vnde mit der
 57v,24 sneten des brotes vur sathanas in en . do
 57v,25 saite ym ihesus . “daz du tus daz tu snellich”
 57v,26 vndir den dy do azzen . wuste keyner war
 57v,27 vmme her ym diz saite . etliche wonten des
 57v,28 vmme daz . daz iudas sundirlichen gelt

 58r,1 hatte daz ym ihesus spreche . “koufe dynk der
 58r,2 vns not ist czu dirre hochczit . daz man armen
 58r,3 luten waz gebe .” do her abir dy snete
 58r,4 genumen hatte do gynk her us mit tir vart
 58r,5 wen iz waz nacht . do her uz gegangen waz
 58r,6 do sprach ihesus . “nv ist des menschen svn
 58r,7 offenbar gemachet . vnde got ist clar gemachet
 58r,8 an ym . ist got clar gemachet an ym .
 58r,9 vnde so machet en got an ym selbir clar .
 58r,10 vnde czu hant machet her en clar . myne lyben
 58r,11 kyndere . noch byn ich wenyk mit uch . ir
 58r,12 sullet mich suchen alse ich den iuden sayte
 58r,13 do ich ge do muget ir nicht kvmen . vnde
 58r,14 ich sage uch daz . eyn nvwe gebot gebe ich
 58r,15 uch . daz ir uch vndir eynandir lip hat . alse

58r,16 ich uch lip han gehat . vnde an deme bekennen
 58r,17 alle lute daz ir myne iungeren syt .
 58r,18 ab ir uch lip hat vndir eynandir .” do sprach
 58r,19 czu ym symon petrus . “herre wor ges tu .” do
 58r,20 antworte ym ihesus . “do ich ge do macht u
 58r,21 mir nicht uolgen . her noch salt u mir uolgen .”
 58r,22 do sprach czu ym petrus . “war vmme
 58r,23 mak ich dir nv nicht uolgen . myne sele
 58r,24 secze ich uor dich .” do antworte ym ihesus .
 58r,25 “dyne sele salt u uor mich seczen . uor war sage
 58r,26 ich dir . [...] [...] geloubit ir in got so geloubit ir an
 58r,27 mich . in mynes uater huse synt vil wonnungen .
 58r,28 ich ge czu bereitene uch dy stat

58v,1 ist iz daz ich wak vare . vnde bereite uch dy
 58v,2 stat so kvme ich abir vnde neme uch selbir
 58v,3 czu mir . uf daz war ich sy daz ir do syt . vn-
 58v,4 war ich ge . daz wizzet ir . vnde den wek wizzet
 58v,5 ir .” do saite ym . thomas . “wir wizzen nicht
 58v,6 wor du gest . wi mochte wir den wek wizzen”
 58v,7 do saite ym ihesus . “ich byn der wek vnde dy
 58v,8 warheit . vnde daz leben . nymant kvmet
 58v,9 czu dem uatere . wen durch mich . were daz
 58v,10 ir mich hettet bekant . [...] [...] vnde uor mir sullet
 58v,11 ir bekennen en . vnde ir hat en gesen .” do
 58v,12 saite ym philippus . “herre wise vns dynen
 58v,13 vater so gnvget vns .” do saite ym ihesus .
 58v,14 “alsus lange byn ich mit uch gewest . vn-
 58v,15 ir hat mich nicht . bekant . philippe wer mich
 58v,16 syt der syt ouch mynen vater . wy sais tu wise
 58v,17 vns den uater . geloubis tu des nicht . daz ich
 58v,18 in dem vatere . vnde der uater in mir ist . dy
 58v,19 wort dy ich uch czu spreche . dy spreche ich
 58v,20 nicht uon mir selbir . svndir der vater der
 58v,21 in mir ist der tut dy werk . geloubit mir
 58v,22 daz ich in dem uatere . vnde der vater . in mir
 58v,23 ist . vnde durch dy werk so geloubit . ich sage
 58v,24 uch uor war . wer an mich geloubit . dy werk
 58v,25 dy ich tu . dy sal her tun . vnde grozer wen
 58v,26 dese synt sal her tun . wen ich uare czu dem
 58v,27 vatere . vnde waz ir betit den uater in myme namen .
 58v,28 daz wil ich tun . uf daz der uater geerit

59r,1 werde an dem svne . ist iz daz ir ichtes
 59r,2 betit den uater in myme namen . daz wil
 59r,3 ich tvn . habit ir mich lip so haldet myne
 59r,4 gebot . vnde ich wil beten den uater . vnde eyne-
 59r,5 troster sal her uch geben . uf daz her ewyclichen

59r,6 mit uch blybe . den geist der warheit
 59r,7 den dy werlt nicht nemen mak . wen sy en
 59r,8 nicht gesen hat noch in weiz . abir ir bekennet
 59r,9 en . wen by uch sal her bliben . vnde in
 59r,10 uch sal her wesen . ich laze uch nicht ane
 59r,11 trost . ich wil kvmen czu uch . noch eyn wenyk .
 59r,12 vnde dy werlt syt mich nicht . abir
 59r,13 ir sehet mich . wen ich lebe . vnde ir sullit
 59r,14 lebyn . an dem tage sullit ir bekennen . daz
 59r,15 ich byn in dem vater . vnde ir in mir . vn-
 59r,16 ich in uch . der myne gebot hat . vnde dy
 59r,17 heldet . der ist der der mich lyp hat den sal
 59r,18 myn uater lyp han . vnde ich wil en lip
 59r,19 habyn . vnde wil mich selbir ym offenbaren . ”
 59r,20 iudas nicht scarioth . sundir der andir
 59r,21 iudas . sprach “herre waz ist getan wen du dich
 59r,22 selbir vns selbir wilt offenbaren . vnde
 59r,23 nicht der werlde . ” do antworte ym ihesus
 59r,24 vnde saite ym . “wer mich hat lyp der sal
 59r,25 halden myne rede . vnde myn vater sal en
 59r,26 lyp habyn . vnde czu ym wolle wir kume- .
 59r,27 vnde vnse wonunge by ym machen . der
 59r,28 mich nicht lyp hat . der bewaret nicht myne

59v,1 wort . vnde dy rede dy ir gehort hat . dy ist
 59v,2 myn nicht . sundir des uatirs der mich gesant
 59v,3 hat . dese rede han ich uch gesait . daz sy
 59v,4 by uch blybe . der trostere der heilege geist
 59v,5 den der vater wirt senden in myme name-
 59v,6 der sal uch leren alle dynk . vnde sal uch raten
 59v,7 alle dynk . dy ich uch wil sagen . mynen frede
 59v,8 gebe ich uch . den frede laze ich uch nicht
 59v,9 alse dy werlt gipt also gebe ich uch nicht
 59v,10 uwir hercze betrubit sich nicht noch ir intrurit
 59v,11 nicht . hat ir gehort daz ich uch gesait
 59v,12 han . ich ge vnde kume czu uch . hettet
 59v,13 ir mich lyp so weret ir vro genczlichen .
 59v,14 wen ich czu dem uatere ge . wen der uater
 59v,15 grozer ist wen ich . vnde nv sage ich iz uch
 59v,16 er denne iz gesche . uf daz ir geloubit . wen
 59v,17 iz geschen sy . iczunt wil ich nicht mit uch
 59v,18 vil reden . wen eyn furste dirre werlde kumet .
 59v,19 vnde hat nicht an mir . vnde uf daz
 59v,20 dy werlt bekenne daz ich den uater lyp
 59v,21 habe . vnde alse mir der uater daz gebot
 59v,22 gegeben hat also tun ich . sted uf ge wir .
 59v,23 ich byn der ware wynstok . vnde myn uater
 59v,24 ist eyn ackirman . alle dy czwyge dy

59v,25 nicht fruch in mir brengen . dy neme her
59v,26 uf . vnde alle dy frucht brengen dy reyneget
59v,27 her . uf daz sy me frucht brengen . iczczunt
59v,28 syt ir reyne durch dy rede dy ich uch

60r,1 czu sprach . blybet in mir . vnde ich blybe in
60r,2 uch . also der czwik nicht mak frucht brengen
60r,3 uon ym selbir . her in blybe an dem
60r,4 wynstocke . also in muget ir . ir en blybet
60r,5 den an mir . ich byn der wynstok . vnde ir
60r,6 syt der czwik . wer in mir blybet . vnde ich
60r,7 in ym . der brenget vil frucht . wen ane mich
60r,8 muget ir nicht getvn . wer in mir nicht
60r,9 blybet . den werfe man uz alse den czwik .
60r,10 vnde her uordorrit . vnde man sal en czu huse
60r,11 lesen vnde werfen in daz vuwir . vnde uorburne
60r,12 en . blybet ir in mir . vnde blybyn myne
60r,13 wort in uch . waz ir wollet daz betet .
60r,14 vnde daz wirt uch . vnde dor an ist myn vater
60r,15 clar gemachet . daz ir wollet frucht
60r,16 brengen . vnde myne iungeren werden . also
60r,17 myn vater mich lyp hat gehat . also
60r,18 han ich uch lyp gehat . blybit ir in myner
60r,19 lybe . haldet ir myne gebot . so blybet ir in
60r,20 myner lybe . also ich mynes uater gebot
60r,21 gehalden han . vnde blybe in syner lybe .
60r,22 dese wort han ich uch czu gesprochen . uf daz
60r,23 myne vroude sy an uch . vnde vwir
60r,24 vroude werde irvullet daz ist myn gebot
60r,25 daz ir vndir eynandir ouch lyp hat . alse
60r,26 ich uch han lyp gehat . nymant hat
60r,27 grozer lybe . wen daz her syne sele secze
60r,28 uor synen frunt . ir syt myne frunt . ist

60v,1 iz daz ir mynen willen tut . yczunt heize ich
60v,2 uch nicht knechte . wen der knecht weiz nicht
60v,3 waz der herre tut . ich han uch frunde geheizen .
60v,4 wen alle dy dynk dy ich uon myme vater
60v,5 han gehort . dy han ich uch geoffenbart
60v,6 ir hat mich nicht uz irkorn . sundir ich han
60v,7 uch uz irkorn . vnde han uch gesazt . daz ir
60v,8 get . vnde holit frucht . vnde uwir frucht blybit .
60v,9 uf daz waz ir betet mynen uater in
60v,10 myme namen . daz her uch daz gebe . ich
60v,11 gebyte uch daz ir uch lyp hat vndir eynandir .
60v,12 ist iz daz uch dy werlt hazzit . wizzit
60v,13 daz sy mich er hazzit denne uch . weret
60v,14 ir uon der werlde gewesyn . so hette uch lip

60v,15 dy werlt . sundir ich han uch uz irkorn
60v,16 uon der werlde . dor vmme hazzet uch dy
60v,17 werlt . gedenket myner rede dy ich uch han
60v,18 gesait . der knecht ist nicht grozer den syn
60v,19 herre . han sy mich geechtet vnde uch sullen
60v,20 sy echten . han sy myne rede gevangen . vn-
60v,21 uwir sullen sy van . dese dynk sullen sy alle
60v,22 uch tvn durch mynen namen . wen sy nicht
60v,23 wizen wer mich gesant hat . were ich nicht
60v,24 kumen . vnde hette ich en nicht czu gesprochen .
60v,25 so hetten sy nicht gesundeget . abir nv
60v,26 haben sy keyne intschuldeunge uon eren
60v,27 svnden . wer mich hazzet . der hazzet mynen
60v,28 vater . hette ich dy werk an en nicht

61r,1 getan dy andirs nymant tet . so hetten sy
61r,2 keyne svnde . abir nv han sy gesen vn- han
61r,3 mich gehazzet . vnde mynen uater . uf daz
61r,4 dy schrift irvullet wrde dy an der . e . geschrebyn
61r,5 ist . Si han mich vmesus gehazzet
61r,6 wen aber der troster kvmt den ich uch
61r,7 sende . der geist der warheit der uon myme
61r,8 vater kvmt . der sal geczugen uon mir . vn-
61r,9 ir sullet uon mir bezugen wen ir erst
61r,10 mit mir syt . dese rede han ich uch czu gesprochen
61r,11 daz ir nicht geschant werdet .
61r,12 sy werden uch uorbyten dy synagogen .
61r,13 dy stunde sal kumen daz alle dy uch toten
61r,14 dy sullen wennen eyn dynst gote
61r,15 irbyten . vnde dese dynk sullen sy uch
61r,16 tun . wen sy mich nicht bekant han .
61r,17 noch mynen vater . diz sage ich uch uf
61r,18 daz . wen dy stunde kvmt . daz ir iz gedenket
61r,19 daz ich iz uch gesait habe . diz
61r,20 sage ich uch abir nicht uon anbegyn
61r,21 wen ich mit uch waz . vnde nv gen ich czu
61r,22 dem der mich gesant hat . vnde nymant vndir
61r,23 uch freget mich war ges tu . wen ich
61r,24 uch dese dynk gesait han so hat betrupnisse
61r,25 uwir hercze irvullet . dy warheit sage
61r,26 ich uch . iz ist uch nuecze daz ich ge . ist
61r,27 iz abir daz ich nicht ge . so kvmt der troster
61r,28 nicht czu uch . vnde wenne her kvmt . so

61v,1 sal her strafen dy werlt vmme dy sunde .
61v,2 vnde vmme dy gerechtekeit . vnde vmme
61v,3 daz gerichte . wen sy nicht geloubit an
61v,4 mich . vmme dy gerechtekeit . wen ich ge

61v,5 czu dem uatere . vnde iczunt sullet ir mich
 61v,6 nicht sen . vmme daz gerichte . wen der
 61v,7 fruste dirre werlde iczunt gerichtet ist .
 61v,8 noch han ich uch me czu sagene . svndir ir
 61v,9 muget iz nv nicht alliz getragen . wen
 61v,10 abir kvmt der geist der warheit . der sal uch
 61v,11 leren alle warheit . her sal nicht sprechen
 61v,12 uon ym selbir . alle dynk dy her horet
 61v,13 dy sal her sprechen . vnde alle dy kvmen
 61v,14 sullen . dy sal her kundegen . [...] [...] eyn wenyk
 61v,15 vnde iczunt sullet ir mich nicht sen . vnde
 61v,16 abir eyn wenyk sullet ir mich sen . wen
 61v,17 ich czu dem uater ge .” do sprochen etliche uz sinen iungeren .
 61v,18 “waz ist daz her vns saget . eyn wenyk
 61v,19 vnde ir sullet mich nicht sen . vnde abir eyn
 61v,20 wenyk vnde sullet mich sen . wen ich ge
 61v,21 czu dem vater .” dor vmme sprochen sy “waz
 61v,22 ist daz . daz her sprichet eyn wenik . wir
 61v,23 wizzen nicht waz her sprichet .” ihesus
 61v,24 irkante daz sy en wolden fragen . vnde
 61v,25 sprach . “do von freget ir vndir uch . wen ich saite
 61v,26 uch . eyn wenyk vnde iczunt sullit ir
 61v,27 mich nicht sen . vnde abir eyn wenyk vn-
 61v,28 sullet mich sen . uor war sage ich uch . wen

62r,1 ir sullet weynen . vnde dy werlt sal sich frowen .
 62r,2 ir sullet betrubit werden . vnde uwir
 62r,3 betrupnisse sal werden gekart in vroude .
 62r,4 wen daz wip ist an der geburt . so hat sy
 62r,5 betrupnisse . wen ere stunde ist kvmen . wen
 62r,6 sy abir daz kynt gewnnen hat . iczunt gedenket
 62r,7 sy nicht des gedranges . von der frouden
 62r,8 wen eyn mensche geborn ist in dy
 62r,9 werlt . vnde ir hat ouch nv betrupnisse .
 62r,10 abir wil ich uch sen . vnde uwir hercze
 62r,11 sal sich frouwen . vnde uwir froude sal
 62r,12 uch nymant nemen . vnde an dem tage
 62r,13 sullet er mich nichtis beten . uor war sage
 62r,14 ich uch . ist iz daz ir ichtes betet mynen
 62r,15 vater in myme namen daz sal her uch
 62r,16 geben . biz her hat ir nichtes gebeten . in
 62r,17 myme namen betit . uf daz ir nemet . uf daz
 62r,18 uwir froude vol sy . diz han ich uch
 62r,19 gesait in byspellen . dy stunde kvmet daz
 62r,20 ich nicht sprechen wil mit uch in byspellen .
 62r,21 sundir ich wil uch offenbare kvndegen
 62r,22 uon myme uatere . in dem tage sullit
 62r,23 ir in myme namen beten . vnde nv sage

- 62r,24 ich uch . ich wil beten mynen uater uor uch .
62r,25 abir myn vater hat uch lyp . wen ir mich
62r,26 lyp hat gehat . vnde geloubit daz ich uon
62r,27 gote uz byn kvmen . ich byn uz gegangen
62r,28 von dem vatere . vnde byn kvmen in dy werlt .
- 62v,1 vnde ge czu dem uatere .” do sprochen czu
62v,2 ym sine iungeren . “sich nv sprichis tu offenbare
62v,3 vnde sagis keyn byspel . wir wizen
62v,4 daz du alle dynk wol weist . vnde iz ist
62v,5 nicht noth daz dich ymant frege an dem
62v,6 gelouben sy wir . daz du uon gote bist kumen .”
62v,7 do antworte ihesus . “geloubit ir dy
62v,8 stunde kvmit vnde ist iczunt daz ir sullet
62v,9 gescheyden werden . von uwerre eygen
62v,10 vnde lazen mich alleyne . vnde ich
62v,11 byn nicht alleine . wen myn vater ist
62v,12 mit mir . dese rede han ich uch gesait . uf daz
62v,13 ir alleyne vroude an mir hat . in der
62v,14 werlde sullet ir uordunkvnge han . geloubit
62v,15 ich han dy werlt vorwnden .” dese
62v,16 dynk hat cristus gesprochen . vnde mit
62v,17 synen offenbaren ougen sach her in den
62v,18 hemel . vnde sprach . “vater mache clar dynen
62v,19 svn . dy stunde ist kvmen . also du ym
62v,20 gewalt gebist . allis fleisches . vnde allis
62v,21 daz du ym gebist in daz ewige lebyn .
62v,22 diz ist daz ewyge lebyn . daz sy dich irkennen
62v,23 daz du alleyne eyn war got
62v,24 bist . vnde den du gesant hast ihesus
62v,25 cristus . ich han dich clar gemachet uf
62v,26 der erden . daz werk han ich uollenbracht
62v,27 daz du mir gebis daz ich tvn solde . vn-
62v,28 nv mache mich clar . du vater mit der
- 63r,1 clarheit dy ich hatte by dir . e . dy werlt waz
63r,2 ich han geoffenbaret den luten dynen namen .
63r,3 dy du mir gebist uon der werlde . sy
63r,4 waren dyn vnde du gebis sy mir . vnde sy
63r,5 haben dyne rede behalden . sy han bekant
63r,6 alle dy dynk dy du mir gebist daz sy uon
63r,7 dir synt: wen dy uuort dy du mir gebist . dy
63r,8 gab ich en . vnde sy namen sy . vnde sy irkanten
63r,9 werlichen . daz ich uon dir kvmen
63r,10 byn . vnde gelouben daz du mich gesant
63r,11 hast . ich bete uor sy . nicht uor dy werlt . wen
63r,12 dy du mir gebist . wen sy synt dyn . vnde alle
63r,13 myne dy synt dyn . vnde ich byn clar gemachet

- 63r,14 an en . vnde byn iczunt in der werlde
 63r,15 nicht . vnde dese synt in der werlde . vnde
 63r,16 ich kvme czu dir . heileger vater behalt
 63r,17 sy in dyne namen . dy du mir gebe [...] [...] dy han
 63r,18 ich bewart . vnde ir keyn ist uortorbyn . wen
 63r,19 der uorlorne svn . uf daz dy schrift irfullit
 63r,20 wrde . nv kvme ich abir czu dir . vnde dy
 63r,21 wort sprach her in der werlde . uf daz sy
 63r,22 myne vroude gancz in en selbyn habyn .
 63r,23 ich gab en dyne rede . vnde dy werlt hazte
 63r,24 sy . wen sy uon der werlde nicht synt . alse
 63r,25 ich nicht byn uon der werlde . ich bete nicht
 63r,26 daz du sy nemyst von der werlde . sundir
 63r,27 daz du sy behutes uon allym ubile . sy sint
 63r,28 nicht uon der werlde . wen ich byn ouch

 63v,1 nicht der werlde . heilege sy in dyner warheit .
 63v,2 dyne rede ist dy warheit . alse du mich
 63v,3 sendist in dy werlt . also han ich sy gesant
 63v,4 in dy werlt . vnde ich heilege mich
 63v,5 selbir uor sy . uf daz sy synt geheileget in
 63v,6 der warheit . nicht bete ich so vil uor sy .
 63v,7 alse uor dy . dy geloubyn sullen durch ere
 63v,8 wort an mich . uf daz sy alle eyn syn . alse
 63v,9 du vater in mir vnde sy an dir . uf daz
 63v,10 sy an vns alle eyne synt . vnde dy werlt
 63v,11 geloube . daz du mich hast gesant . vnde
 63v,12 dy clarheit dy du mir gebe . dy gab ich
 63v,13 en . uf daz sy synt alle eyn . alse wir alle
 63v,14 eyn syn . ich an en . vnde du an mir . uf daz
 63v,15 sy syn uollenkvmen an en . vnde dy werlt
 63v,16 bekenne daz du mich gesant hast . vnde
 63v,17 hast sy lip gehat . alse du mich lip hattis
 63v,18 vater dy du mir gebist daz waz myn wille .
 63v,19 wo ich byn daz sy do mit mir synt uf daz
 63v,20 sy myne clarheit sen . dy du mir hast
 63v,21 gegebyn . wen du mich hattes lyp er dy
 63v,22 werlt gestiftet wart . vater dy werlt bekante
 63v,23 dich nicht . abir ich bekante dich .
 63v,24 vnde dese bekanten dich . wen du mich
 63v,25 gesant hast . vnde ich han geoffenbaret
 63v,26 dynen namen . vnde wil en tun bekennen .
 63v,27 uf daz dy lybe in der du mich lyp
 63v,28 hattes . an en sy . vnde ich an en .”

 64r,1 an dem grunen donrstage czu der messe . s . s . ioh’es daz ewangeliu-
 64r,2 Vor dem ostertage . wuste ihesus wen
 64r,3 syn czit kvmen waz . daz her uon dirre

64r,4 werlde wolde czu syme uater varen . do
64r,5 syne dy her lyp hatte in dirre werlde dy her
64r,6 hatte biz uf daz ende lip gehat . vnde do
64r,7 daz abyntezzen uorgangen waz . vnde
64r,8 der tuvil iczunt kvmen waz in iudas hercze .
64r,9 der ihesum uorrotende waz . do wuste
64r,10 her wol daz der vater ym alle dynk gegebyn
64r,11 hatte in syne hende . vnde daz her uon
64r,12 gote kvmen waz . vnde wedir czu gote
64r,13 gende waz . abir her stunt uf vnde gynk
64r,14 uon dem abyntezzen . vnde leite uon ym
64r,15 syn cleit . vnde do her sich mit eyme lylachene
64r,16 gegurt hatte . do goz her wazzer in
64r,17 eyn becken . vnde begonde czu wasschene
64r,18 der iungeren vuze . vnde czu truckene mit
64r,19 dem tuche do mit her gegurt waz . dor noch
64r,20 quam her czu petro . do sprach petrus . “herre
64r,21 du weschis mir nicht myne vuze .” do sprach
64r,22 ihesus . “daz ich nv tu des bekennys tu nicht .
64r,23 abir du wirst is her noch bekennen .” do
64r,24 sprach petrus . “nicht wesches tu myne vuze
64r,25 ewyclichen .” do sprach ihesus . “wasche ich dyne
64r,26 vuze nicht . so has tu keyn teil mit mir .”
64r,27 do sprach petrus . “herre nicht alleyne dy
64r,28 vuze . sundir hende vnde houbit .” do sprach

64v,1 ihesus . “wer gewaschen ist der bedarf nicht
64v,2 den dy vuze . svndir her ist allemetalle reyne .
64v,3 vnde ir syt reyne abir nicht alle .” wen
64v,4 her woste wol wer en uorrotende waz . dor
64v,5 vmme sprach her . “ir syt nicht alle reyne .”
64v,6 dor noch do her ere vuze gewaschen hatte
64v,7 do nam her syn cleit . vnde do her sich andirweyde
64v,8 gesaczt hatte . do sprach her . “wizzit
64v,9 ir wor vmme ich diz habe getan . ir heizit
64v,10 mich herre vnde meister . dor an sprechit ir
64v,11 wol . wen ich byn iz . habe ich meister uwir
64v,12 vuze gewaschen . vnde herre . so sullet ir
64v,13 ouch vndir eynandir vwir vuze waschen
64v,14 hir vmme han ich uch eyn bilde gegebyn
64v,15 daz ich uch getan habe . daz ir daz selbe ouch tut .”
64v,16 an dem guten vritage . s . s . iohannes uon der martyr vnsis herren .
64v,17 An eyme tage daz geschach
64v,18 groze lybe dy ich sach
64v,19 an eyme buche geschrebyn
64v,20 do got hatte uortrebyn
64v,21 von der menscheit den tot
64v,22 vmme der anegeborenen werlde not

- 64v,23 nv horet vnde prufet
 64v,24 dy martyr dy her ubet
 64v,25 vnde ihesu cristi smerczen
 64v,26 trayt in uwerem herczen
 64v,27 daz buch begynnet sich alsus
 64v,28 Et egressus ihesus
- 65r,1 ihesus allir tugende hort . gynk uz keyn des
 65r,2 wazzers vort . daz do cedron waz genant .
 65r,3 dem woren alle dynk bekant . eyn syt dem
 65r,4 flozze lak . eyn garte do her dicke in pflak .
 65r,5 czu gende do gynk her in . mit den eilfen iungeren
 65r,6 syn . iudas der in waz do nicht . der tuvil
 65r,7 der hatte mit ym pflicht . vmme so rechte cleyne
 65r,8 dynk . iudas czu den iuden gynk . czu en sprach
 65r,9 her mit bosir gir . “waz gebit uwir meysterschaft
 65r,10 mir . daz ich uch ihesum uormache .
 65r,11 wen ich habe czu ym czwu sachen . uon czwen
 65r,12 hundirt pfennegyn . do waz der dryzegiste
 65r,13 myn . uon der salbe dy eyn wyp . uorgoz uf
 65r,14 ihesu lyp .” uon dem nucze daz quam . den iudas
 65r,15 uon dem schepfer nam . wy sanfte wart den
 65r,16 iuden kvnt . daz sy irdacht hatten den funt .
 65r,17 daz sy ihesum mochten von . vmme eyn sulch
 65r,18 cleyne lon . iudas nacht vnde tak . an deme
 65r,19 vnrechten rate lak . bis iz quam an eynes
 65r,20 tages rast . do sprach czu den iuden iudas der
 65r,21 vngetruwe gast . “ir herren ich weiz wol dy
 65r,22 stat . do ihesus an syn gebete gat . nv syt bereit
 65r,23 alle .” myt eyne grozen schalle . sy quamen
 65r,24 in den garten spate . czuhant wart her uorraten .
 65r,25 myt dem czeichen der lybe . dy rede ich uorbaz
 65r,26 tribe . do her dy iuden ane sach . nv mueget
 65r,27 ir horen wy her sprach . “wen suchet ir ir iuden
 65r,28 alle .” “ihesum” sprochen sy mit schalle . “sucht
- 65v,1 ir ihesum daz byn ich .” si vilen alle hyndir sich
 65v,2 al do czu der selbyn stunt . sprach syn vil reyner
 65v,3 munt . “lat dy iuden wek gan . daz dvnkit
 65v,4 mich vil wol getan .” daz sprach her allis vmme
 65v,5 daz . wen do geschrebyn waz . “dy du hattis
 65v,6 mir gegebyn . dy behilden alle ir lebyn .”
 65v,7 sy nomen en do geuangen . sy uorbunden ym
 65v,8 syne wangen . sy furten en alse her were eyn dyp
 65v,9 en waz allen uf en lyp . also furten sy en gevangen .
 65v,10 petro dem waz bange . her ructe eyn
 65v,11 swert daz waz clar . malchyo sluk her abe daz
 65v,12 ore gar . do sprach czuhant ihesus . “neyn petir

- 65v,13 tu nicht alsus . tu daz swert wedir an syne
 65v,14 stat . den kelch den mir myn uater gegebyn
 65v,15 hat . den wil ich mit vlyze tryncken .” sy
 65v,16 begonden en sere flyncken . o du bosir iudas .
 65v,17 wy leit dir dyn ere waz . daz du neme so cleyne
 65v,18 lon . vmme der reynen meyde son . wen du
 65v,19 nemist an eym gedyngē . daz woren dryzik
 65v,20 pfennynge . alle dese dynk do synt geschen .
 65v,21 alse vns dy ewangeliste ien . daz waz vmme
 65v,22 metten czit . daz syn lyp wart geslagen wart
 65v,23 vnde uorspyt . sy vurten en hen uor annam
 65v,24 der waz do gar eyn edil man . des kynt hatte
 65v,25 kayphas . vz des munde der rot waz . her sprach
 65v,26 “iz fuget baz daz ihesus sterbe . den daz
 65v,27 uolk allis uorterbe .” petrus vn- dy andirn
 65v,28 iunger . dy uolgeten dem iudischen her . noch

 66r,1 biz an des herren hus . petrus bleib aldor
 66r,2 uz . iohannes der waz wol bekant . den herren
 66r,3 allen alczuhant . der gynk mit ihesu in
 66r,4 daz pallas . eya wy kalt daz wetir waz . dor
 66r,5 vmme gynk iohannes hyn uor . czu der
 66r,6 mait dy daz tor . hatte beslozen do petrus
 66r,7 waz . vnde her sy bat daz . sy petrum in lyze .
 66r,8 sy mocht es mer genyzen . dy mayt do
 66r,9 mit worten sprach . do sy petrum ane sach .
 66r,10 “bist u iz ouch eyn iunger . des mannes der do
 66r,11 brocht ist her .” petrus der antworte der mait .
 66r,12 “ich byn syn nicht daz sy dir gesait .” wen daz
 66r,13 weter gar kalt waz . petrus czu dem vuwir
 66r,14 saz . do by dy knechte stunden . vnde slugen en
 66r,15 vndir stunden . uf synen nacken mynneclich .
 66r,16 o herregot uon hemelrich . daz du so groze
 66r,17 not . woldist lyden vm vnsirn tot . do noch
 66r,18 sprach anna daz . “ihesus sage vns ettiswaz .
 66r,19 von dynen iungeren . vnde uon dynen leren .”
 66r,20 do entworte ym ihesus . syne wort dy woren
 66r,21 alsus . “myne lere der werlde also waz . wo
 66r,22 ich in dem tempil saz . do dy iuden alle nitalle .
 66r,23 do sprach ich myne wort alle . ich habe
 66r,24 nicht heymelich gesait . wes has tu denne
 66r,25 mich gevrait . frage dy iz han gehort . welches
 66r,26 gewesyn synt myne wort .” uon den
 66r,27 worten daz geschach . daz ym wart ein backenslach .
 66r,28 do her en gesluk do sprach her

 66v,1 “wy tarst u so getane mer . sprechen czu myme
 66v,2 herren . wir wollen mit dir uon hynnen keren .”

- 66v,3 dem entworthe Jhesus . syne wort woren
 66v,4 alsus . habe ich icht missesprochen . daz hast u
 66v,5 wol gerochen . habe ich abir des nicht getan .
 66v,6 wor umme hast u mich geslayn . do sante en
 66v,7 annas gebunden . czu cayfas dem hunde .
- 114v,23 von sente stephans vyndunge . s . s . math .
 114v,24 IN der czit . sante ihesus synen iungeren diz glichnisse .
 114v,25 iz waz eyn edil mensche der gynk uerre
 114v,26 in eyn fremde lant . czu nemene eym riche .
 114v,27 vn- wedir czu kvmende . do lut her syne
 114v,28 knechte uor sich . der woren czwene . den gab
- 115r,1 her czen gewychte silbirs . vn- sprach czu en .
 115r,2 “werbit hy myt . biz ich wedir kvme .” vnde
 115r,3 syne burgere hazzeten en . un- santen eyne-
 115r,4 brif ym noch . vn- sprochen . “wir in wellen
 115r,5 desyn nicht eynen herren lazen syn ubir
 115r,6 vns .” dor noch dor her daz riche genvmen
 115r,7 hatte . vnde wedir kvmen waz . do lut her
 115r,8 syne knechte uor sich den her synen schatz gegebyn
 115r,9 hatte . uf daz her wuste wy vil irre
 115r,10 iclicher irworbyn hette . do sprach der erste .
 115r,11 “herre dyn gewichte . hat gewnnen czen gewichte .”
 115r,12 do sprach der herre . “o guter knecht .
 115r,13 vn- getruwe . wen du a me cleynen getruwe
 115r,14 bist gewesyn . so wirst u gewalt habyn ubir
 115r,15 czen stete .” do quam der andir vn- sprach . “herre
 115r,16 dyn gewichte . hat gewnnen fumf gewichte .”
 115r,17 do sprach der herre . “so bist u ouch herre ubir
 115r,18 fumf stete .” dor noch quam abir eynir . vnde
 115r,19 sprach “herre dyn gewichte daz ich habe genvmen .
 115r,20 daz bewant ich in eyne tuche . ich
 115r,21 uorchte dich . wen du eyn gry-myk mensche
 115r,22 bist . vn- nymst do du nicht hast geleit . vnde
 115r,23 mees do du nicht hat geseet .” do sprach der
 115r,24 herre . uon dyme mvnde urteile ich dich knecht
 115r,25 vngetruwe . wustest u daz ich eyn grymmyk
 115r,26 mensche byn . daz ich daz neme daz ich
 115r,27 nicht han geleget . vn- mede daz ich nicht
 115r,28 geseet . wor v-me in gybis tu denne nicht mynen
- 115v,1 schacz uf den tisch . so were ich kvmen un-
 115v,2 hette en endelich gemerit mit wuchere . dor
 115v,3 noch sprach her czu den dy gegenwortik woren .
 115v,4 “an der stunden nemit uon ym daz gewiht .
 115v,5 vn- gebit iz deme der czen gewichte hat .” do
 115v,6 sprochen sy “herre her hat czen gewichte .” do

115v,7 sprach der herre . ich sage uch werlichen . wer
 115v,8 do hat dem gebit man . vn- uon deme der do
 115v,9 nicht in hat dem nymt man daz selbe daz
 115v,10 her hat . myne vynde dy do nicht in wolden
 115v,11 daz her herre were ubir sy . dy brenget her
 115v,12 vn- totit sy uor mir . von vnsir vrowen wurczewyge . s . s . lucas
 115v,13 IN der czit . gynk ihesus .
 115v,14 in eyn kastel . vn- eyn wip . der name waz
 115v,15 martha . inpfynk en in ir hus . dy hatte eyne
 115v,16 swester dy hiz maria dy ouch syczende waz .
 115v,17 uor den vuzen ihesu czu horende syne wort . abir
 115v,18 martha waz dynende steteclichen vn- stunt
 115v,19 uor ym . vn- sprach . “herre in ruches tu nicht . daz
 115v,20 mich myn swester alleyn lezit dynen . sprich
 115v,21 czu ir . daz sy mir helfe .” do sprach ihesus . “martha
 115v,22 martha du bist sorkueldik . vn- betrubist
 115v,23 dich vil . wen eynes ist not . maria hat daz beste
 115v,24 teil irkorn . daz ir nicht mak benvmen werden”
 115v,25 von sente ioh’es baptiste- alse h’ inthoubit wart . s . s . marcus
 115v,26 IN der czit . sante herodes syne
 115v,27 gewalt . vn- vynk iohannem . vn- bant en i- dem
 115v,28 kerkere . durch herodiaden willen philippus

116r,1 husurowe synes brudir . wen her sy ym genvmen
 116r,2 hatte . vn- iohannes saite herodi . “du
 116r,3 in macht nicht habyn dynes brudir wip .”
 116r,4 dor v-me hazzete en herodiana . vn- begerte
 116r,5 en czu totene . vn- sy en mvste . herodes uorchte
 116r,6 iohannem . wen her wste en gerecht . vn-
 116r,7 heilik . vn- behutte en ouch vor synen Worten .
 116r,8 dy her uor ym horte tet her groze dynk
 116r,9 vn- horte en gerne . vn- do der tak kvme- waz
 116r,10 syner geburt . do machte her eyn abyntezzen
 116r,11 den fursten vn- den dynstluten . vn- den ersten
 116r,12 uon galylea . vn- do kvmen waz uor en herodianen
 116r,13 tochter . vn- hatte gesprungen . do behait
 116r,14 es heroden . vn- alle den dy do azen . do sprach
 116r,15 der kvnyk czu ir . “nv bete uon mir waz
 116r,16 du wilt . ich wil dir s gebyn .” do swr her er “waz
 116r,17 du betis daz gebe ich dir . iz sy ouch halb
 116r,18 myn riche .” do gynk sy vn- saite irre muter . “waz
 116r,19 bete ich .” do sprach sy . “nicht andirs wen iohannis
 116r,20 houbit baptisten .” dor noch do sy snellichen
 116r,21 wedir kvmen waz czu dem kvnyge . do bat
 116r,22 sy vn- sprach . “ich wil daz mir czuhant gebist .
 116r,23 in dese schusyl iohannis houbit baptisten .” do
 116r,24 wart der kvnyk betrubyt vm-e daz gesworne
 116r,25 recht . vn- ouch durch dy geste . abir her

- 116r,26 wolde sy nicht betrubyn . sundir her sante
 116r,27 synen knechte vn- gebot en . iohannes czu
 116r,28 inthoubetene . vn- brengen daz houbit in

 116v,1 eyner schusselyn . vn- gab iz der iuncfrouwen
 116v,2 vn- dy iuncfrowe gab iz der muter . do daz
 116v,3 uornomen syne iungeren do gyngen sy vn-
 116v,4 holten synen licham . vn- leiten en in eyn
 116v,5 grab . von sente matheo ewangelisten . schribit sente lucas
 116v,6 IN der czit . sach ihesus eynen
 116v,7 menschen syczen an dem czolle . der hiz matheus .
 116v,8 vn- sprach czu ym “folge mir .” do stunt
 116v,9 her uf vn- volgete ym . svndir iz geschach do
 116v,10 sy czusamene quomen ubir dem tische in
 116v,11 dem huse . daz vil offenbarer sundere quamen
 116v,12 vn- azen mit ihesu . vn- mit synen iungeren .
 116v,13 do diz dy glissener gesohen . do sprochen
 116v,14 sy czu ihesus iungeren . “wor u-me izzit
 116v,15 uwir meister mit den offebaren sunderen”
 116v,16 do diz ihesus irhorte . do sprach her . “in durfen
 116v,17 dy gesvnden arczetyge . svndir dy sichen . get
 116v,18 vn- lerit waz daz sy . ich wil dy barmherczekeit
 116v,19 vn- nicht daz opphir” von sente mychael deme erczengil . s . s . matheus
 116v,20 IN der czit . gyngen czu .
 116v,21 ihesu syne iungeren . vn- sprochen “wer ist der
 116v,22 groste in dem riche der hemele .” vn- ihesus lut
 116v,23 eyn kynt czu ym . vn- brochte iz mitten vndir
 116v,24 sy . vn- sprach “uor war sage ich uch . ir in
 116v,25 werdit bekart . vn- gemachtit also diz kynt
 116v,26 ir in get nicht in daz riche der hemele . dor
 116v,27 vm-e wer sich demutegit also diz kynt . der
 116v,28 ist der groste in dem riche der hemele . vnde

 117r,1 wer eyn kynt inpfet also in myme namen .
 117r,2 der inpfet mich . vn- wer sich ergirt
 117r,3 von desyn cleynen . der an mich geloubit
 117r,4 dem czymt daz man henge eynes esils
 117r,5 burde an synen hals . vn- werde gesenkit i-
 117r,6 dy tufe des meres . we der werlde uon der
 117r,7 ergerunge . wen iz ist not daz dy ergerunge
 117r,8 kvmen . sundir doch we dem menschen
 117r,9 durch den dy ergerunge kvmt . sundir ab
 117r,10 dich dyne hant adir dyn vuz ergirt snyt
 117r,11 en abe . vn- wirf en uon dir . iz ist bezzer
 117r,12 daz du in gest czu dem riche crank . adir
 117r,13 lam . wen habyn czw hende . adir czwene
 117r,14 vuz . vn- wirdis gesant in daz ewyge vuer .
 117r,15 vn- ab dich dyn ouge ergirt brich iz uz . vn-

117r,16 wirf iz uon dir . iz ist bezzir daz du habis
 117r,17 eyn ouge . vn- gest in daz lebyn . wen daz
 117r,18 du habist czwey . vn- werdis gesant in dy
 117r,19 helle des vuris . sed daz ir nicht uorsmet
 117r,20 eynes uon desen cleynen . wen ich sage uch
 117r,21 daz dy engele in den hemelen ymmer mer
 117r,22 sen daz antlicze mynes vatirs der in den
 117r,23 hemelen ist .” An allir gotes heylegen abende . s . sente lucas
 117r,24 IN der czit . gynk ihesus uon
 117r,25 dem berge . vn- stunt uf dem . vn- dy schar syner
 117r,26 iungeren . vn- vil lute uon iudea . vn- uon
 117r,27 ierusalem . vn- uon marityma . vn- uon tyro .
 117r,28 vn- uon sydonie . dy do kvmen woren uf daz

117v,1 sy en horten . vn- uf daz sy gesunt wrden
 117v,2 uon eren suchen . abir dy do gemvet waren uo-
 117v,3 den bosen geisten . dy wrden gesunt . vnde alle
 117v,4 dy schar begerte en czu rurende . wen dy tугynt
 117v,5 uz ym gynk . dy machte her alle gesu-t .
 117v,6 dor noch hub her syne ougen uf . czu synen
 117v,7 iungeren vn- larte sy vn- sprach . “selik syt ir
 117v,8 armen des geistes . wen uwir ist daz riche der
 117v,9 hemele . selik syt ir dy nv hungerik synt . wen
 117v,10 ir sult gesetit werden . selik syt ir . dy nv weynen .
 117v,11 wen ir sullit lachende werden . selik werdit
 117v,12 ir also uch dy lute hazzen . vn- also sy uwirn
 117v,13 namen uon en sundirn . vn- uorsmen .
 117v,14 vn- uz werfen also daz bose . durch den name-
 117v,15 des menschengesundes . vrowit uch vn- syt vro an dem
 117v,16 tage wen uwir lon ist groz in dem hemele .”
 117v,17 an allir gotes heiligen tage . s . sente matheus
 117v,18 IN der czit . do ihesus gesach dy schare do weich her uf
 117v,19 den berk . vn- do her sich gesaczte . do gyngen
 117v,20 czu ym syne iungeren . do larte her sy vn- sprach
 117v,21 “selik synt dy armen des geistes . wen ir ist daz
 117v,22 riche der hemele . selik syn dy milden . wen sy
 117v,23 sullen besiczen daz ertriche . selik syn dy do betrubit
 117v,24 syn . wen sy sullen getrostet werden . selik
 117v,25 syn dy do hungerik syn . vn- durstet noch
 117v,26 der gerechtekeit . wen sy sullen gesetit werden
 117v,27 selik sy- dy barmherczegen . wen sy sullen
 117v,28 barmherczekeit noch uolgen . selik syn dy reinen

118r,1 des herzen . wen sy sullen gote sen . selik
 118r,2 syn dy fredesamen . wen sy sullen gotes kyndir
 118r,3 geheizen werden . selik syn dy uoruolgunge
 118r,4 lyden durch dy gerechtekeit . wen ir ist daz
 118r,5 riche der hemele . selik syt ir also uch dy lute

- 118r,6 uorfluchen vn- uoruolgen . vn- uf uch sprechen .
 118r,7 vn- lyden allis ubil durch mich . vrowit uch
 118r,8 vn- syt vro . wen uwir lon ist groz . vn- uolkvmen .
 118r,9 in dem hemele .” uon dem czwelfboten gemeyne . s . s . iohannes
 118r,10 IN der czit . saite .
 118r,11 ihesus synen iungeren . “dis ist myn gebot daz
 118r,12 ir uch lyp hat vndir eynandir . alse ich uch
 118r,13 lyp han gehat . nymant hat so groze lybe daz her
 118r,14 syne sele setze uor syne vrunt . ir syt myne
 118r,15 frunt . ist iz daz ir tut myne gebot . iczunt heize
 118r,16 ich uch nicht knechte . wen der knecht weiz
 118r,17 nicht waz syn herre tut . svndir ich han uch
 118r,18 geheizten myne frunt . wen allis daz ich han
 118r,19 gehort uon myme vatere daz han ich uch geoffenbarit .
 118r,20 ir hat mich nicht irkorn . sundir
 118r,21 ich han uch irkorn . vn- han uch gesant . daz
 118r,22 ir get . vn- frucht brenget . vn- uwir frucht blybe .
 118r,23 vn- allis des ir betit mynen vater . in myme
 118r,24 namen . daz her uch daz gebe” uon den czwelfboten . s . s . iohannes
 118r,25 IN der czit . saite .
 118r,26 ihesus synen iungeren . “diz gebyte ich uch .
 118r,27 daz ir uch vndir eynandir lyp hat . ist iz
 118r,28 daz uch dy werlt hazzit . so wizzit daz sy mich

 118v,1 alrest gehazzit hat . werit ir uon der werlde gewesyn .
 118v,2 dy werlt hette uch lyp gehat . vn- wen
 118v,3 ir uon der werlde nicht in syt . svndir ich han
 118v,4 uch uz irkorn uon der werlde . dor v-me hazzit
 118v,5 uch dy werlt . gedenkit an myne wort dy
 118v,6 ich uch gesait habe . der knecht ist nicht grozir
 118v,7 wen syn herre . habyn sy mich uoruolgit
 118v,8 sy uoruolgen ouch uch . habyn sy myne rede
 118v,9 behalden . sy behalden ouch uwire . svndir
 118v,10 dis tun sy ouch allis durch mynen namen .
 118v,11 wen sy in wizen nicht der mich gesant hat
 118v,12 were ich nicht kvmen . vn- hette ich en nicht
 118v,13 czu gesprochen . so in hetten sy iz keyne svnde .
 118v,14 abir nv in mvgen sy sich nicht inschuldegen .
 118v,15 von eren svnden . wer mich hazzit . der hazzit
 118v,16 ouch mynen vater . in hette ich dy werk nicht
 118v,17 getan dy andirs nymant tvt . so in hetten sy
 118v,18 iz nicht svnde . nv han sy gesen . vn- mich gehazzit .
 118v,19 vn- ouch mynen vater . svndir uf daz
 118v,20 irvullit wrde dy rede dy in der e . geschrebyn
 118v,21 ist . wen v-mesust han sy mich gehazzit .” abir uon den czwelfboten . s . s
 . iohannes
 118v,22 IN der czit .
 118v,23 saite ihesus synen iungeren . “sed ich sende

- 118v,24 uch also dy schaf mitten vnder dy wolfe .
 118v,25 syt dor v-me wyse also dy slangen . vn- eynveldik
 118v,26 also dy tubyn . hutet uch uor den luten
 118v,27 sy begynnen uch furen . in daz concilium . vn-
 118v,28 geiselen in eren synagogen . ouch wirt ir gevurt

 119r,1 uor dy kvnege . vn- uor dy richtere en czu
 119r,2 eyne geczucnyse . vn- dem geslechte . vn- also sy
 119r,3 uch vuren . so gedenkit nicht . wy adir waz ir
 119r,4 redit . wen an den selbyn stunde . wirt uch gegebyn
 119r,5 dy rede . ir in syt is nicht dy do reden . svnder
 119r,6 iz ist der geist uwirs uater der in uch redit .
 119r,7 der brudir wirt uorraten den bruder in
 119r,8 den tot . vn- der vater den svn . vn- der svn wirt
 119r,9 sich ouch seczin wedir den vater . vn- wirt en
 119r,10 brengen czu dem tode . ouch werdit ir haz allen
 119r,11 luten durch mynen namen . abir wer do uollen stet
 119r,12 biz an daz ende der wirt selik .” abir uon den czwelfboten . s . s . matheus
 119r,13 IN der czit . saite .
 119r,14 ihesus synen iungeren . “ir syt eyn salcz der erden .
 119r,15 wirt denne daz salcz czu nichte . wo myt sal
 119r,16 man denne salczen . so in touk iz nicht me . wen daz
 119r,17 man iz uz werfe . daz man iz uon den lute-
 119r,18 uortreten werde . ir syt eyn licht der werlde . eyne
 119r,19 stat gebuwit uf dem berge in mak nicht
 119r,20 bedeckit werden . noch sy in purnen dy lucernen
 119r,21 vn- in seczen sy nicht vnde den schelfen .
 119r,22 svnder uf den luchter . uf daz sy luchten allen
 119r,23 den dy in dem huse syn . alsus sal luchten uwir
 119r,24 licht uor den luten . uf daz sy uwir guten werk
 119r,25 sen . vn- uf daz sy eren uwir vater der in den
 119r,26 hemelen ist” abir uon den czwelfboten . s . s . matheus
 119r,27 IN der czit . saite ihesus czwelfe syner
 119r,28 iungeren . vn- gebot en . vn- sprach czu en . “get

 119v,1 nicht in dy wege der geslechten noch in dy
 119v,2 stete der samaritanen . svnder get czu den uorlornen
 119v,3 schafen des husis ierusalem . get ouch
 119v,4 vn- prediget . vn- sprechet” da riche der hemele
 119v,5 nechent . machit dy sichen gesunt . irquickit
 119v,6 dy toten . reyneget dy uzseczegen . vn- uortribit
 119v,7 dy tuvele v-me nicht . hat ir diz genvme-
 119v,8 v-me nicht . gebit iz v-me nicht . ir sullit nicht
 119v,9 golt besiczen noch silbir noch schacz . ir sullit
 119v,10 ouch nicht tragen uf dem wege taschyn noch
 119v,11 czwene rocke noch schue noch stap . wen der
 119v,12 arbeiter ist wirdik synes lonys . uon den mertereren gemeyne . s . s . lucas
 .

- 119v,13 IN der czit .
 119v,14 sait ihesus synen iungeren . “wer do mir wil
 119v,15 volgen . der uorsache synes selbis . vn- neme
 119v,16 uf syn creuce un- uolge mir . wer wil syne
 119v,17 sele selik machen . der uorlusit sy . abir wer
 119v,18 sy uorlusit durch mich der vyndit sy . wen
 119v,19 waz ist fromelichin dem menschen ab her alle
 119v,20 dy werlt noch ym kerte . vn- lydit wedir
 119v,21 mute an syner sele . der svn ist kvmen in der
 119v,22 ere synes vater mit synen engelyn . so lonit
 119v,23 her denne eyne yclichen noch synen werken
 119v,24 ich sage uch werlichen . iz synt etliche allhy
 119v,25 stende dy nicht smecken den tot . e . sy sen des
 119v,26 menschen svn in syme riche .” uon den mertereren schribit . s . matheus
 119v,27 IN der czit . saite .
 119v,28 ihesus synen iungeren . “ir sullit nicht weny-

 120r,1 daz ich sy kvmen den frede czu sendene uf dy
 120r,2 erde . svndir daz swert . ich byn wedir kvmen
 120r,3 czu sundirn den svn wedir synen vater . dy
 120r,4 tochter wedir ere muter . vn- dy snvren wedir
 120r,5 ere swegere . abir wer vater vn- muter lybir
 120r,6 hat den mich . der ist myn nicht wirdik . adir
 120r,7 synen svn adir syne tochter . wer ouch nicht
 120r,8 uf nymt syn creuce . vn- uolgit mir . der in ist
 120r,9 myn nicht wirdik . wer vyndit syne sele der
 120r,10 uorlusit sy . vn- wer syne sele uorlusit durch
 120r,11 mich der vyndik sy . wer uch inpfet der inpfet
 120r,12 mich . vn- wer mich inpfet . der inpfet den der
 120r,13 mich gesant hat . wer do inpfet eyne propheten
 120r,14 in dem namen des propheten . der nymt
 120r,15 daz lon eyne propheten . vn- wer inphet eyne-
 120r,16 gerechten der nymt daz lon eyne gerechten .
 120r,17 vn- wer do gebit eyne trunk . eyne desyn
 120r,18 mynsten . in dem namen eyne iungirn . werlichen
 120r,19 her uorlusit syn lon nicht” uon den mertereren . schribit . s . matheus
 120r,20 IN der czit . saite .
 120r,21 ihesus synen iungeren . “wen sy uch uoruolgen
 120r,22 in desir stat . so vlyet in eyne andir . ich sage
 120r,23 uch werlichen ir in uorczerit nich dy stete ierusalem
 120r,24 biz des menschen svn kvmt . der iungir
 120r,25 ist nicht ubir den meister . noch der knecht
 120r,26 ubir synen herren . dem iungirn gnvget . ist
 120r,27 her also syn meister . vn- dem knechte ap her
 120r,28 ist also syn herre . han sy den huswirt . geheizen

 120v,1 belsebub vil mer syn gesynde . dor v-me in vorchtit
 120v,2 sy nicht” uon den mertereren . s . s . matheus

- 120v,3 IN der czit saite ihesus synen iungeren . “nicht
 120v,4 in ist bedeckit . iz in werde geoffenbaret . noch
 120v,5 so heymelich . iz in werde czu wizzene . daz ich
 120v,6 uch sage in dem vynsternysse . daz sage ich
 120v,7 uch ouch in dem lichte . vn- waz ir heymelichen
 120v,8 horit . daz predigit offenbare . vn- uorchtit
 120v,9 dy nicht dy do mugen toten den licham . abir
 120v,10 dy sele mvgen sy nicht getoten . svndir uorchtit
 120v,11 den der do sele vn- licham senkit in dy
 120v,12 helle . kvnnen icht czwene sperlynge czusamene
 120v,13 fligen . vn- ir keyn in uellit uf dy erde
 120v,14 ane synen vater . abir dy locken uwirs houbetis
 120v,15 dy synt alle geczalt . dor v-me in uorchtit
 120v,16 uch nicht . bezzir syt ir denne vil sperlynge
 120v,17 alle dy mich lyp han uor den luten . dy han ich
 120v,18 lip uor myme vatere der i- dem hemele ist .” uon den mertereren . schribit
 . s . lucas
 120v,19 IN der czit .
 120v,20 saite ihesus synen iungeren . “wer kvme- wil
 120v,21 czu mir . vn- nicht in hazzit vater noch muter
 120v,22 vn- husvrowe vn- swester vn- brudir . vn- ouch
 120v,23 syne sele . der in mak myn iungir nicht gesyn .
 120v,24 welch vwir wil buwyn eynen turm .
 120v,25 der nicht czu dem ersten in sycze vn- bedenke
 120v,26 dy czerunge czu der notdurft en czu uolbrenge .
 120v,27 vn- uf daz alse her den uollemvnt habe
 120v,28 geleit vn- nicht uolbrenge mak . vn- uf daz

 121r,1 dy dy en sen nicht in begynnen czu spotten .
 121r,2 vn- sprechen . der mensche hat begunt
 121r,3 czu buwyn . vn- in mak iz nicht uolbrenge
 121r,4 dor v-me welch uwir sich nicht abe tut alliz
 121r,5 des her besezen hat . der mak myn iunger
 121r,6 nicht gesyn .” uon den heylegen bichtegeren . s . s . lucas
 121r,7 IN der czit . saite ihesus synen iungeren .
 121r,8 “uwir lenden sullen syn vmme gurt . vn- uwir
 121r,9 lucernen sullen syn burnende . in uwirn henden .
 121r,10 vn- sullit syn glich den luten . dy do beitende
 121r,11 synt eris herren . wen her kvme uon der
 121r,12 brutlouft . wen alse her kvmt vn- clopphet
 121r,13 an . daz sy ym czuhant uf tun . selik syn dy
 121r,14 knechte dy der herre wachende vyndet alse
 121r,15 her kvmt . ich sage uch werlichen . daz her sich v-me
 121r,16 gurtet . vn- heizit sy czu tysche syczen . vn- get
 121r,17 uor sy vor sy vn- dynet en . vn- ist iz daz her
 121r,18 an der andirn wachunge kvmt . adir an der
 121r,19 dritten wachunge vn- vyndit sy alsus . selik syn
 121r,20 dy knechte . daz ir daz wizzit . woste der huswirt

121r,21 an welchen stunden der dyp queme . her
 121r,22 wachte endelich . vn- lyze syn hus nicht
 121r,23 durchgraby n . hir v-me so syt bereit . wen czu der
 121r,24 stunde alse her iz nicht in weiz so kvmt des
 121r,25 menschen svn" uon den bichtegeren . schribit s . sente matheus
 121r,26 IN der czit . saite ihesus synen
 121r,27 iungeren . eyn mensche waz vn- wandirte
 121r,28 uz in pilgrymys wyse . vn- der lut alrest syne

121v,1 knechte uor sich . vn- gab den syn gut . dem eynen
 121v,2 gab her fumf pfunt . dem andirn czwey
 121v,3 dem dritten eynis . eyne yclichen noch syner
 121v,4 tugynt . vn- wandirte synen wek . do gynk
 121v,5 der eyne der do hatte fumf pfunt genvme- .
 121v,6 vn- erbeite vn- gewan andirre fumfe . vnde
 121v,7 ouch der do hatte czwey genvmen . der gewan
 121v,8 andirre czwey . svndir der eynes hatte . der gynk
 121v,9 synen wek . vn- grub den schacz synes herren
 121v,10 in dy erde . dor noch ubirlank quam der herre
 121v,11 der knechte her wedir . vn- hatte rede mit
 121v,12 en . do gynk czu ym der do hatte genvme- fumf
 121v,13 pfunt . vn- brochte andirre fumfe . vn- sprach
 121v,14 "herre fumf pfunt has tu mir gegebyn . sich
 121v,15 andirre fumfe han ich gewnnen ." do sprach
 121v,16 der herre . "o guter knecht . vn- getruwe . wen
 121v,17 du an dysme cleynten getruwe bist gewesen
 121v,18 so wil ich dich seczen ubir groze . gank in dy
 121v,19 vroude dynes herren ." do gynk ouch czu ym
 121v,20 der czwey pfunt hatte genvmen . vn- sprach
 121v,21 "herre czwey pfunt han ich gewnne- ." do sprach
 121v,22 der herre . "vrouwe dich guter knecht . vn- getruwe .
 121v,23 wen du ubir cleyne dynk weris getruwe .
 121v,24 ubir vil dynk wil ich dich seczen . gank
 121v,25 in dy vroude dynes herren" uon den iuncvrouwen .
 121v,26 vn- uon den witwen . s . s . matheus
 121v,27 IN der czit . saite ihesus synen iungeren . diz
 121v,28 byspel . daz riche der hemele ist glich . eyne

122r,1 begraby n schacze in dem ackir . alse den der me-sche
 122r,2 vyndit . so get her uor vrouden . vn- uorkovfit
 122r,3 allis daz her hat . v- koufit den ackir . abir
 122r,4 eynis ist glich daz riche der hemele . eyne werbynden
 122r,5 menschen . der suchende ist . eyne gute
 122r,6 margarite . alse her sy denne vvndin hat . eyne
 122r,7 gute margariten . so uorkoufit her allis daz her
 122r,8 hat . vn- koufit sy . abir eyns ist gliche daz riche
 122r,9 der hemele . eyne necze gelazen in daz mer . do
 122r,10 samende ist allir leie vische . alse iz vol ist sa

- 122r,11 czien sy iz uz . vn- seczen sich by da ubir . vnde
 122r,12 lesyn dy guten in ere vaz . abir dy bosyn werfen
 122r,13 sy hyn wek . also geschit iz an dem ende
 122r,14 der werlde . dy engil gen uz . sundirn dy guten
 122r,15 von den bosen . vn- senden dy in daz vuer .
 122r,16 dor wirt weynen vn- czene claffen . dor noch
 122r,17 sprach her “hat ir diz allis uornvme-” do sprochen
 122r,18 sy . “ia .” “hir v-me eyn yclich scriba gelart i-
 122r,19 dem riche der hemele . ist glich eyne huswirte
 122r,20 der do uor brengit synen schacz alt vn- nvwe”
 122r,21 In der czit uon den iuncvrowen . s . s . matheus
 122r,22 saite ihesus synen iungeren . “daz riche der hemele
 122r,23 ist glich den czen iuncvrowyn . dy do nomen
 122r,24 ere lampyn . vn- gyngen inkegen dem brutegum .
 122r,25 vn- der brutynne . svndir do waren fumf
 122r,26 torechte . vn- fumf wize . abir dy fumf torecten
 122r,27 nomen nicht oley mit en in ere lampen
 122r,28 svndir dy fumf wysen dy nome- oley in ere

 122v,1 lampyn . vn- do der brutegum sumete vn- nicht
 122v,2 czuhant quam . do slummerten sy alle . vnde
 122v,3 inslifen . vn- czu mittirnacht wart eyn rufen
 122v,4 sed der brutegym kvmt get uz kegen ym
 122v,5 do stunden dy iuncvrowyn alle uf . vn- bereiten
 122v,6 ere lampyn . do sprochen dy torecten
 122v,7 czu den wysen . get vns uwirs oliz . wen vnse
 122v,8 lampyn uorleschen . do sprochen dy wysyn . iz
 122v,9 ist lichte vns vn- uch nicht gnuk . get ir baz
 122v,10 czu den uorkouferen . vn- kouft is uch . sundir do
 122v,11 sy gyngen koufen . do qua der brutegum . vnde
 122v,12 dy bereit waren dy gyngen mit ym in czu der
 122v,13 brutlouft . vn- dy tur wart czu geslozen . czuleczte
 122v,14 quamen dy andirn iuncvrowyn . vnde
 122v,15 sprachen herre herre tu uns uf . do sprach her
 122v,16 werlichen ich in kenne uwir nicht . dor v-me so
 122v,17 wachet . wen ir nicht in wizzit den tak noch dy
 122v,18 stunde .” uo- vnsir vrowen in d’ ostirczit . s . s . ioh’s
 122v,19 IN der czit . stunden by dem cruce ihesu . maria
 122v,20 syn muter . vn- syner muter swester maria cleophe .
 122v,21 vn- maria magdalena . vn- do ihesus hatte
 122v,22 gesen syne muter . vn- den iungirn den her lip
 122v,23 hatte stende . do sprach her czu syner muter .
 122v,24 “wip sich dyn svn .” dor noch sprach her czu dem
 122v,25 iungirn . “sich dyn muter .” vn- an der selbyyn stunde
 122v,26 nam sy der iungir czu ym . uon der kirchwyunge . s . sente lucas
 122v,27 IN der czit . gynk
 122v,28 ihesus uz durch iericho . vn- eyn man der

- 123r,1 hiz zacheus . der ouch waz eyn furste der offenbaren
 123r,2 svndere . vn- riche . der begerte czu sen ihesu-
 123r,3 wer her were . sundir in mochte uor der schare .
 123r,4 wen syn stadil waz cleyne . vn- her lif uor vnde
 123r,5 vn- steik uf eynen boum . der hiz cycomorus . uf daz
 123r,6 her en gesee . wen her do uor gegange- waz .
 123r,7 dor noch do ihesus kvmen waz czu der stat . do sufczete
 123r,8 her vn- sach sacheum . vn- sprach . “zachee stik
 123r,9 snelle her nydir . wen ich muz hute in dyme huse
 123r,10 blyben .” do steik her her nydir . vn- inphynt in
 123r,11 vrolichen . do diz dy lute sogen . do murmylten sy
 123r,12 vn- sprochen . wen her sich czu eyne sunder hette
 123r,13 gekart . do stunt zacheus uf vn- sprach . “herre
 123r,14 sich myn gut halb gebe ich den armen . vn- habe
 123r,15 ich ymant betrogen dem gelde ich virvalt .” do sprach lhesus
 123r,16 czu ym . “hute ist selykeit getan desym huse . dar
 123r,17 v-me daz her sy abrahamis svn . wen des menschen
 123r,18 svn ist kvmen . czu suchene . vn- gesunt
 123r,19 czu machene daz do uorlorn waz .” uon der sele messe schribit sente . ioh’es
 123r,20 IN der czit . saite .
 123r,21 ihesus synen iungeren . vn- der schar der iuden .
 123r,22 “ich byn daz lebynde brot . daz uon dem hemel
 123r,23 kvmen . ist wer do izzit uon dem brote der lebit ewylichen .
 123r,24 vn- daz brot daz ich gebe . v-me der
 123r,25 werlde lebyn . daz ist myn fleisch .” hir v-me crigeten
 123r,26 dy iuden vndir eynandir . vn- sprachen . “wy
 123r,27 mak her vns gegebyn sy fleisch czu ezzene .” do
 123r,28 sprach ihesus . “ich gesage uch werlichen . ir ezzit

 123v,1 daz fleisch des menschensvn . vn- trinkit syn
 123v,2 blut . so in hat ir daz lebyn in uch nicht . wer izzit
 123v,3 myn fleisch vn- trinkit myn blut . der hat
 123v,4 daz ewige lebyn . vn- ich irquicke en an dem
 123v,5 iungisten tage .” diz ewangelii- lisit ma- in d’ vasten an dem donrstage .
 123v,6 IN der czit . saite ihesus den
 123v,7 scharen der iuden . “in wirkit nicht dy spise dy
 123v,8 uortirbit . svndir dy do blibyn in daz ewige
 123v,9 lebyn daz des menschen svn uch sal gebyn .
 123v,10 wen diz hat der uatir geczeichnet .” do sprochchen
 123v,11 sy czu ym . “waz tu wir . daz wir wirken
 123v,12 gotes werk .” do antworte ihesus . vn- sprach .
 123v,13 “daz ist gotes werk . daz ir geloubit . an den d’
 123v,14 mich gesant hat .” svndir do saiten sy ym . “waz
 123v,15 czeichen tust u . daz wir sen vn- geloubyn dir .
 123v,16 waz wirkis tu . vnse vetere azzyn daz hemelebrod
 123v,17 in der wstenunge . also do geschrebyn
 123v,18 ist . daz brot uon dem hemele gab her en czu
 123v,19 ezzene .” svndir do saite en ihesus . “werlichen

- 123v,20 uor war sage sage ich uch . moyses gab uch
 123v,21 nicht daz brot uon dem hemele . svndir myn
 123v,22 vater gibt uch daz ware brot uon dem hemele .
 123v,23 wen iz ist daz brot gotis . daz kvmt uon
 123v,24 dem hemele . vn- gibt daz lebyn der werlde ."
 123v,25 svndir do sprochen sy czu ym . "herre daz brot
 123v,26 gib vns ymm' ." svndir do saite en ihesus . "ich
 123v,27 byn daz brot des lebyns . der czu myr kvmt .
 123v,28 den hungirt nicht . vn- der an mich geloubit den
- 124r,1 in durstet nymmyr" uon den czwelfboten schribit . s . matheus
 124r,2 IN der czit . saite ihesus
 124r,3 synen iungeren . "wer uch horit der horit
 124r,4 mich . vnde wer uch uorsmet . der uorsmet
 124r,5 mich . vn- den der mich gesant hat ." bynnen
 124r,6 des quamen dy czwene vn- sebynczik iungeren
 124r,7 mit vreuden vn- sprochen "herre ouch
 124r,8 dy touele synt vns vndirtenyk . in dyme
 124r,9 namen ." do sprach ihesus czu en . "ich sach sathanam
 124r,10 alse eynen blik vallen uon dem hemele .
 124r,11 nv sed ich han uch gegebyn gewalt czu
 124r,12 tretene uf dy slangen . vnde uf dy nateren .
 124r,13 vn- uf alle dy tugende der vynde . vn- iz in
 124r,14 schadet uch nicht . desis in vrouwit uch nicht
 124r,15 daz uch dy geiste vndirtenyk synt . svndir
 124r,16 vrouwit uch des daz uwir namen geschrebyn
 124r,17 synt in dem hemele . amen ." dese fumf
 124r,18 spruche sprach vnse herre ihesus cristus
 124r,19 "Gedenkit dicke an mich . so wert ir clar alse
 124r,20 dy svnne . Sit eyne . so sende ich uch mynen
 124r,21 heiligen geist . Suchet uwirn trost nicht .
 124r,22 so wil ich uch selbe trosten . Syt mezik an
 124r,23 der rede . so blybet ir vngevangen . Syt
 124r,24 vmbekummert . so blybit ir vmbetrubit ."
 124r,25 diz synt dy czen gebot vnsis h'ren Augustinus
 124r,26 sprichit . daz moyses der groze prophete .
 124r,27 sach . vnde schouwete . uf dem berge czu synai
 124r,28 got . vn- syn gotliches wesen mit den ouge-
- 124v,1 der uornvmft . aldo wart ym geboten . daz
 124v,2 her solde schribyn czen gebot in czvu steynyne
 124v,3 tafelen // daz erste gebot waz daz . keyne
 124v,4 fremde gote salt u habyn . alse dy heyde-
 124v,5 dy apgote . vn- dy planeten . svnne mane . vn-
 124v,6 andir gestirne . an betten . svndir alleine
 124v,7 habe mich uor eynen waren got // daz andir
 124v,8 gebot waz daz . den namen dynes gotis
 124v,9 den salt u nicht nennen czu keynen ytelen

- 124v,10 dyngen // daz dritte gebot waz daz . gedenke
 124v,11 daz du vyrist an dem svnnabynde . daz ist
 124v,12 an dem svntage . dese dry gebot . alse sente
 124v,13 augus vil woren geschrebyn an der ersten
 124v,14 tafelen czu eyne bekentnyse der heilege-
 124v,15 dryvaldekeit . daz erste gebot dem vater .
 124v,16 daz andir gebot dem svne . daz dritte dem
 124v,17 heiligen geiste // daz virde gebot waz daz .
 124v,18 wir sullen eren vater vn- muter mit Worten
 124v,19 vn- mit werken // daz fumfte gebot
 124v,20 waz daz . daz du nymant salt toten . mit
 124v,21 hulfe noch mit willen // daz sechste gebot
 124v,22 ist daz . daz du mit keyner hande frouwen
 124v,23 salt czu schaffen habyn . svndir mit dyner
 124v,24 elychen alleyne // daz sebynde gebot ist daz
 124v,25 daz du nymande sullist stelyn . adir beroubyn .
 124v,26 adir abe trigen syn gut // daz achte gebot
 124v,27 ist daz . daz du wedir dynen ebyncristen
 124v,28 salt keyn valsche geczuk syn . // daz nvnde

 125r,1 gebot ist daz . daz du nicht salt begeren des
 125r,2 wybes dynes ebyncristen // daz czende gebot
 125r,3 ist daz . daz du nicht salt begeren daz hus dynes
 125r,4 ebyncristen . noch synen knecht . noch syne
 125r,5 maget . noch keynes dynges daz ym czu
 125r,6 gehorit // dese lesten sebyn gebot . woren geschrebyn .
 125r,7 uf der anderen tafelen . vns vnde
 125r,8 vnsym ebyncristen dy salt u kvnnen vn- dyn gesynde leren
 125r,9 Anno dm- millesimo tricentesimo . quadragesimo
 125r,10 in octava die petri et pauli . finitus
 125r,11 est liber iste p manus henrici de landishut .
 125r,12 Qui scripsit . scripta manus eius sit . bn-dicta
 125r,13 Swer do sprichet noch eyne aue maria “ih’c
 125r,14 xp-c” der hat drisic tage ablas von pabist ioh’s
 125r,15 der do ist d’ czwey vn- zwenczestegeste pabest gewest
 125r,16 Vn- vo- pabest vrban d’ do ist d’ virde gewest ouch
 125r,17 drisic tage . Swer do lesit “vnser vrowen Caltir”
 125r,18 d’ hat vir iar vn- dry wochyn vn- dry tage ablas
 125r,19 Swer lesit adir horit lesen “In p’ncipio e’at u’bu-”
 125r,20 vn- syne kny dor zu boyget d’ hat eyn iar vnde
 125r,21 virczic ablas von pabest cleme-s deme vunften
 125r,22 Sw’ do horit nennen “ih’c xp-c” vn- zu syne knye
 125r,23 boyget d’ hat zwenczic tage ablas vo- pabest
 125r,24 iohan Sw’ do sprichet noch syne ezzen “Dn-s
 125r,25 det viuis gra-m defu-ctis veniam nobis post ha-c
 125r,26 vita- sempit’na-” d’ hat virzic tage ablas von pabest
 125r,27 iohaen Sw’ do sprichet wen man noch co-plete
 125r,28 dy glocke lutet “aue ma’ia” d’ hat

125v,1 zwenzic tage ablas Sw' do sprichet noch eyne guoten
 125v,2 werke daz er hat getan "Nomen dm- nr-i- ih'u
 125v,3 xpi- et nomen gloriose v'ginis marie sit benedictum
 125v,4 in secula scl'orum" Der hat czen tage ablas Swer do
 125v,5 mit innekeit sines herczen an sith die waphen
 125v,6 vnsers herren vn- sprichet inneclich eyn "pater
 125v,7 nost" d' hat von pabest i-nocentio vir iar von pabest
 125v,8 leon dry iar von dem heiligen pabest gregorio
 125v,9 virzic tage ablas Sw' do sprichet daz gebet "pri-s sapi-a"
 125v,10 der hat hundirt tage ablas von pabest iohannes
 125v,11 Sw' daz gebet sprichet "O liebe sele" dar hat dry
 125v,12 tusent tage ablas totlicher unde vn- tusent iar
 125v,13 tegelicher unde von pabest iohan deme zwey
 125v,14 vnd zwenzegeste pabest
 125v,15 Biz willekomen du vil heilig' suntacherre mir
 125v,16 hute zu hulfe vnd zu troste vnd alle der cristenheit
 125v,17 gemeyne ich bete dich heiliger suntagherre du vil
 125v,18 heilig' h're daz du hute sist myn bote gegen deme
 125v,19 almechtigen gote iz sazen dri h'ren zwischen zwen
 125v,20 zelin daz eyne waz sente lucas der andir sente marcus
 125v,21 d' dritte d' gute h're sente ioh'es den rurte dy gicht
 125v,22 so waz rurist du mich gicht . gist du magist mich geruren
 125v,23 ich wil dich vor dem almechtigen gote genigen
 125v,24 gicht dir enputet d' vil heilige crist daz du mich
 125v,25 also lange must vormiden also myn liebe vrowe
 125v,26 sente ma'ia eyne reyne mait blibit daz iz nu vnd
 125v,27 ymm' me ane ende so bete ich dich barmh'ziger
 125v,28 got h're durch diner martir ere daz mir gebusist

126r,1 Dy libe hot den vsgang vnde entspry-get
 126r,2 von der gnode des heyligen geystes
 126r,3 // Do von spricht der apostil .
 126r,4 Dy libe gotis ist yrgossin in vnsere
 126r,5 herczen uon deme heyligen geyste der vns ist gegeben
 126r,6 // Do by mogit ir wyssen wen der heylge
 126r,7 geist mit syner gegenwertikeit besyczet das
 126r,8 hercze der menschen // Czum irsten ist das dy
 126r,9 menschen noch vnreyne sint in eren herczen
 126r,10 zo prikilt vnde reysit der heylge geist dy
 126r,11 menschin czu buse vnde czu bekentnisse der su-den
 126r,12 wen als sente augustinus spricht "wen eyn
 126r,13 mensche ym selbin czornit vnde myssehagit
 126r,14 der ist ane dy gnode des heylgen geistes nicht
 126r,15 vnde wen dy herczen der menschen geryniget
 126r,16 synt von unde so gybt der heylge geist sterke
 126r,17 vnde krefte gute werke czu thunde // Vnde
 126r,18 der mag nicht lyden vnreynikeit noch eyn stobechen

- 126r,19 der sunden in der herczen der mensche
 126r,20 uf das dy menschen deste bas mogen yre gedanken .
 126r,21 begerunge wyrkunge yn dy lybe
 126r,22 gotis beuestigen” // wen als sente bernhardus
 126r,23 spricht “Der heylige geist manet dy gedanke-
 126r,24 vnde leret dy vernumft vnde beveget den wille-
 126r,25 gute dyngen czu tunde” // Dor vmme wen wir
 126r,26 gute vnde heylge yngebunge vulen in vnserem
 126r,27 herczen so sulle wir got loben vnde ere yrbyten
 126r,28 deme heylgen geiste Des stymme lutet in den
 126r,29 oren vnsers herczen // vnde als ouch sente

 126v,1 Bernhardus spricht . So ist der heylge geist
 126v,2 ein susser geist . Der dy krancken kreftiget
 126v,3 Dy hulterechten beku-merte herczen slecht
 126v,4 machet vnde reyniget // vnde was in der schalkhaften
 126v,5 werld ist sweres vnde enge das
 126v,6 macht der heylige geist gerynge vnd breyt .
 126v,7 // Der heylige geist gybt deme leben der menschen
 126v,8 also das von naturen vnde art v-mogelich
 126v,9 ist czu tunde mit syner gegenwertikeit
 126v,10 gnaden ys ist nicht alleyn mogelich sunder
 126v,11 gerynge wirt denne deme menschen // Also das
 126v,12 se in vasten . in wachen in hunger in dorste in
 126v,13 vorvolgunge in krancheit in wedirdrys in
 126v,14 versmeunge vrolich sich vnde geduldig dor y-ne
 126v,15 wandirn als in allen lustigen rychtumen
 126v,16 // Sente bernhardus spricht // Der heylige geist
 126v,17 enczundit ouch dy herczen dy her besytzet in
 126v,18 heymelicher begerunge vnde prykilt vnde
 126v,19 vordirt den menschin czu vorsmeunge cztlicher
 126v,20 dinge // wen recht als der heylige geist
 126v,21 vruchtet unde sterket vnser herczen in sycherheit
 126v,22 bittende . vnde heyschende vor vns in vnsprechlichem
 126v,23 vorsufczen // Also ouch in deme
 126v,24 herczen des herren boyget her czu vns got den
 126v,25 heren mit siner barmherczikeit // vnde als der
 126v,26 heilige geist in vns bittet vor vns also in gote
 126v,27 deme uatir vorgibt her vnse scholt mit gote
 126v,28 deme vater // Synt de- mol das der heylige geist
 126v,29 also vil gutis wyrket in der herczen der me-schen .

 127r,1 zo ist wol not das eyns iczlichen menschin ze
 127r,2 behelde den heren wen sy wirt besucht adir
 127r,3 visitiret von deme herren in synen gnaden
 127r,4 vnde nicht vs trybe mit yrdisscher begeru-ge
 127r,5 vnde vleischlichem bosen gedanken // went
 127r,6 der herre vluyt alle wege vleischliche vnde

127r,7 ytel vnde vnnucze gedanke // vnde wen dy herczen
 127r,8 der menschen gotliche dinge gedenken
 127r,9 vnde dor ynne sich ubem . vnde do von werden enczundit
 127r,10 in der libe des herren alzuhand der heylige
 127r,11 geist dirgusit sich in dy herczen der y-nigin
 127r,12 menschen . vnde durchdringit dy herczen in deme
 127r,13 wege der libe // vnde hilfet vns in vnsirn gebete
 127r,14 in vnsir y-nikeit . Vnde in der ubunge andere togunde
 127r,15 // Dor vmme myn lyben ist das wir noch
 127r,16 den Worten sente Augustini begern czu vordynen
 127r,17 dy gnode des heiligen geistes vnde also
 127r,18 eynen wyrdigen gast czu empfonde in dy herberge
 127r,19 vnsir herczen // So sulle wir czum irsten
 127r,20 das hus vnsir selen reynegen von vmwirdigir
 127r,21 lydunge vleischlicher gedanken // vnde
 127r,22 vor der herschaft der obirmutikeit von deme
 127r,23 stanke des rumes // Vnde das huos vnsir sele
 127r,24 sulle wir alle tage reynigen kegen der czuku-ft
 127r,25 des hymmelischen koniges vnde das hus czyren
 127r,26 vnde bestroygen mit den blume-lyn der
 127r,27 seten . vnde der togunde . vnde dor noch vullen
 127r,28 mit vroydemrichen roche der kuescheit des gelouben .
 127r,29 vnde mit myrre der ruwe vme vnsere

127v,1 sunde . mit deme balsam . der woltetikeit
 127v,2 mit dem wyroch der libe . vf das wir in der
 127v,3 abesnydunge vnsir sunde dy wonunge des
 127v,4 tuuels gewalt werden tempil des lyben gotis .
 127v,5 Das wir also den liben wirdigen gast
 127v,6 in dy herberge vnsirs herczen gestroyt mit blumelyn
 127v,7 lustiger togund lustlichen mogen
 127v,8 empfon vnde ewichlichim behalden // Went
 127v,9 dor umme ruwet her vnd suchet dy ruwe in
 127v,10 deme wesin uf den blumelyn vnsir sele vnd
 127v,11 vnsir hercze uf das her vns hy mag geben
 127v,12 czu smeckin wy suse das her ist . das wir
 127v,13 müssen syme sussen roche noch volgen in syn
 127v,14 hus der ewigen vroydin // Vnde wen eyn
 127v,15 mensche nymmet in syn hercze also tanen wyrdigen
 127v,16 gast . Das ist der heilige geist . do vo- entphet
 127v,17 her vnsprechliche vroyde // vnde wundirt
 127v,18 in sich selbir der czukunft sines allirlibste- seligen
 127v,19 subirlichen herren // wente keyne vroyde
 127v,20 ist grossir uf erden des lybes vnde der zeile
 127v,21 Wen dy zeile vnde das hercze von der gnoden
 127v,22 des heiligen geistes vulet dy czukunft synes
 127v,23 scheppers // Do von spricht eyner also // wen dy
 127v,24 herczen der y-nigen menschen offin synt czu

- 127v,25 entpfonde dy gute des heren vnde nicht hyndirt
 127v,26 dy gnode so guest der mylde semftmutiger
 127v,27 vnde barmhercziger herre dor yn den tow
 127v,28 syner gnoden // vnde yn sendit deme menschen
 127v,29 nuwe wissenheit der hymmelisschen dynges
- 128r,1 un bekentnisse hy-melicher dinge vndirwilen
 128r,2 den smag der ewigen dinge . un offembaru-ge
 128r,3 der vorborgegen dinge // Vndirwilen
 128r,4 machit ys sychir den menschen der
 128r,5 ewige- gute vnde andere viele gute bewyset
 128r,6 der herre synen libin usirwelten . vnde yo
 128r,7 der mensche me gesuchit wirt von der gnoden
 128r,8 gotis yo her heymelicher wirt deme here-
 128r,9 Vnd dy heymelichkeit machit dy kunheit .
 128r,10 Vnde dy kunheit machit den smag . Der smag
 128r,11 machit den hunger . Der hunger machit vorsmeunge
 128r,12 allir dinge . Dy vorsmeunge machit
 128r,13 eynsamekeit adir musikeit . Vnde dy eynsamkeit
 128r,14 beku-mert sich mit eyne das ist mit gote
 128r,15 vnde lybet got der alleyn dirvullit dy begerunge
 128r,16 der ynnigen menschen // Seet myne
 128r,17 allirbysten wy vil gute gybt dy gnode gotis
 128r,18 // Dor umme ein iczlicher der do besytzt dy gobe
 128r,19 der gnoden behalde sy demuticlichen . vnde
 128r,20 vlysicliche- . vnde sal vlyn yrdissche wollustikeit
 128r,21 // wen is ist wol recht den dese kegenwertige
 128r,22 werld nicht libet das her sich vrouwe in
 128r,23 deme ewigen gute . das ist in gote // Alhij
 128r,24 mogit ir merken das geistliche menschen
 128r,25 nicht mogen blyben alle wege eyne wesen
 128r,26 Vnde in eyner ynikeit vnde nicht in eyner
 128r,27 mose czu nemen eyne geistlichen leben // Went
 128r,28 eczliche nemen abe . Vnde wedir czu eczliche loufen
 128r,29 ryschlich vnd vrolich in deme wege der
- 128v,1 gebote gotis . eczliche trege vnde langsam Went
 128v,2 als sente Bernhardus spricht . “Der heilige
 128v,3 geist ist ein meister syner gobe der sich
 128v,4 gibt dem menschen wy . Her wyl wo her
 128v,5 wyl wen her wil vnde als her wil” Dor
 128v,6 vmme wenne yr vulit das ir trege syt kalt
 128v,7 vnde vordrossen in uwerim herczin vmme
 128v,8 des willen sullit ir nicht abe loesen vnde abe
 128v,9 czyn uch von deme vleyssche . vnde lernunge
 128v,10 der geistlichkeit // Sunder ir sullet suchen dy
 128v,11 helfende usgerackte hant des lyben herren
 128v,12 vnde schryen mit der brut “// Czug mich noch

- 128v,13 dir liber herre . Das ich loufe in deme rochche”
 128v,14 // Also lange bys dy geczuckte gnode wirt wid’
 128v,15 irweckit in uweren herczen vnde widir wirt
 128v,16 vrysch vnde vrolich czu loufinde den weg der
 128v,17 gebote gotis // Dor ynne dy wyele ir gnode habt
 128v,18 So habit dor ynne uwir wollust in gote . Abir
 128v,19 ir sullit nicht wenen das dy gnade uch wirt
 128v,20 gegeben czu eynem vetirlichem erbe also das
 128v,21 ir wellet sicher syn . das ir sy nicht verlysen
 128v,22 moget // Wente wen der herre dy hant abe czuet
 128v,23 vnde dy gnode enczogen wirt . So sullit ir deme
 128v,24 rote des wiesen mannes noch volgin . Der do
 128v,25 spricht . “In dynen guten tagen sal tu nicht
 128v,26 vorgessen der bosen tagen // wen du hast gnade
 128v,27 so vorchte vnde demutige dich vnde gedenke
 128v,28 das se dir benomen werdin” // In den guten tage-
 128v,29 der gnaden sal tu nicht sychir syn . Sundir

 129r,1 ruf mit den propheten . “liber herre went myne
 129r,2 kraft abe ny-met los mich nicht vndir wegin”
 129r,3 In den bosen tagen wen dy gnode ist enczucket
 129r,4 So schryet mit der brut . “Liber herre Czug mich
 129r,5 noch dich” // Vnde also vallet ir nicht von deme
 129r,6 hoffen in den bosin tagen . vnd in den gutin tagen
 129r,7 in obirmutikeit uwers herczen . vnd in deme
 129r,8 lobit ir got alle tage // Alhij mogit ir
 129r,9 merken das dy geistliche czukunft czu der zele
 129r,10 des menschen ist dryerleye // Dy irste ist vorborgen
 129r,11 // Dy andir czwiuelhaftig // Dy dritte ist
 129r,12 offimbar // Dy irste czukunft gotis in dy zese
 129r,13 der menschen ist vorborgen . Vnde ist wen der
 129r,14 herre mit synen gnoden wonet in den herczen
 129r,15 dy do nicht totlichen sunden vnd ist vorborgen
 129r,16 Dor vmme wen der herre in den herczen der me-schen
 129r,17 nicht wirt gevulet in siner wirkunge .
 129r,18 Dor vmme spricht der apostil cristum mit deme
 129r,19 geloubin wonende in vnsirn herczen . Dor
 129r,20 vmme ist das gancz czu geloubin in crysten
 129r,21 geloubigen . Das alle dy ire reynikeit halden
 129r,22 vnd sich bewaren vor totlichin sundin alleyne
 129r,23 das se sich nicht geuobit han in grosin togu-den
 129r,24 so wonet doch der herre in iren herczen . alleyne
 129r,25 das sy der gnaden nicht vulen an yrer
 129r,26 wirkunge // Dor umme heyset dy czukunft
 129r,27 vorborgen // Dy andir czukunft des herren in
 129r,28 dy sele ist czwiuelhaftig . Vnd kummet de-ne
 129r,29 czu der sele wen wir nuwe wandelunge adir

129v,1 nuwe gute begerunge dy wir vor nicht habin
 129v,2 gehat irke-nen . vnd vuolen in vnseren herczen .
 129v,3 // Do mete . adir dor ynne alle sunde dy vns vor
 129v,4 ist . liplich vnde behegelich gewest vns wirt
 129v,5 nu vmbehegelich vnd vnlustlich mit der
 129v,6 bitteren buese vnd mit eyner woren ruwe
 129v,7 // Is ist eyn geweyss czeychen der kegenwertikeit
 129v,8 gotis . vnde dy czukunft des herren ist czwiuelhaftig
 129v,9 das ist bekant vnd vmbekant . Beka-t
 129v,10 von der ynnikeit vnd susse gnade dy do wirt
 129v,11 gevulet vnde irkant . Vmbekant . wen her
 129v,12 mit synen kegenwertigen gnaden machit bitter
 129v,13 ruwe in der selen alleyne das her susse ist
 129v,14 // Vnde dy bitterkeit ku-met nicht von deme herren .
 129v,15 Des geist gar susse ist . Sunder von deme
 129v,16 nemer . Der do nicht reyne genug ist // Also eyner
 129v,17 der do trynket eynen edelen sussen trank
 129v,18 mit eyne vnreynem vorsertem gumen . Deme
 129v,19 der süssu trank bittir wirt vnde allis das her
 129v,20 nuczet // Dy drytte czukunft des herren czu der
 129v,21 sele ist offimbar // Das geschit wenne der herre
 129v,22 mit vromen toguntsamen menschin vnd
 129v,23 mit den dy gros gesundiget han . vnd wol
 129v,24 gereynigit syn vnd geczyret in togunden wirkit
 129v,25 syne gnade offenbarlich do von sy in hymmelischen
 129v,26 dingen vnde czwiuelhaftigen dingen .
 129v,27 do von sy nicht han vor gewust gelait
 129v,28 werden in der wirkunge syner lybe . vs den wortin
 129v,29 mogit ir czyn das alle menschen dy do synt

130r,1 in deme wesen der gnoden das ist ane totliche-
 130r,2 sunde dy habin dy gnaden des herren enczwer
 130r,3 vorborgen adir offinbar // Das ist wenne rechte
 130r,4 als der herre Jhesus geborn ist . vnd dor noch
 130r,5 [..]legit[.] in dy kryppe gewyndilt in tuchern .
 130r,6 Also wirt der herre Jhesus czum ersten geborn
 130r,7 in vnseren herczen vorborgin vnde gewindelt .
 130r,8 Dor noch habe wir Jhesum gelegit in eyn
 130r,9 kryppelyn vnsers herczen vnd gewyndilt we-
 130r,10 der herre mit gelouben alleyne in vns wonit
 130r,11 vnd wir yn nicht vuelaen in hytcziger begerunge
 130r,12 vnd ynnikeit // Dor noch abir wen ein mensche
 130r,13 lange ist geubit in eyne toguntsamen
 130r,14 guten leben vnd vulet czu stunden in syme
 130r,15 herczen hytze des vueres der lybe vnd hitczyge
 130r,16 begerunge dy ein mensche in eyner andirn
 130r,17 czit nicht gevulet hat . So wonit der herre
 130r,18 in vnsirn herczen nicht alleyne gewyndilt

- 130r,19 mit deme geloubin . Sunder offinbar vnd
 130r,20 in uf gedacter gnode // Dor vmme myne lyben
 130r,21 sal eyn iczlicher sich behalden in deme
 130r,22 wesen der gnoden . vnd enthalden sich von
 130r,23 totlichen sunden . vnd ouch nach uweren vormogen
 130r,24 von tegelichen sunden . vf das ir
 130r,25 nicht alleyne dy czukunfftige gnade . Sunder
 130r,26 ouch dy wirke-de gnade moget entpfon von
 130r,27 deme herren czu cziten // wen der almechtige
 130r,28 barmharczige got der vorsmet mit
 130r,29 nychte dy en vorchten vnde syn gebote

 130v,1 halden . Sunder czu czyten vnd czu stunden
 130v,2 troestet her sy vnd sendet yn czu stunden dy begerunge
 130v,3 hytzyger y-nikeit . Adir dy gnode
 130v,4 der ruwe vmme dy sunde adir enczundet
 130v,5 sy in hytzyger libe vnd dy zelbin dy also getroestet
 130v,6 werden dy sullin genugesam syn .
 130v,7 vnde den almechtigen got lobin vnd danke-
 130v,8 von ganzem herczen . vf das se her noch molis
 130v,9 grossir gnade vnde libe vnd y-nikeit von
 130v,10 deme heren entpfon mogen
 130v,11 UOn der libe dy der heilige geist wirkt
 130v,12 in den herczen in der ynnigen menschen
 130v,13 ir mogit wissen das dy libe ist noch der vslegunge
 130v,14 sente augustini eyne togund mit
 130v,15 der wir . Got den herren begern czu seen . Vnde
 130v,16 syn gebruchen vnde dy allereldiste togund
 130v,17 wirt gegossen in dy herczen der y-nigen menschen
 130v,18 von der gobe des heiligen geistes . Das
 130v,19 sy den herren mogen lyben . vnd lib habin // Merket
 130v,20 alljn myne allirlibesten das alle mensche-
 130v,21 dy irvullit wellen werden der libe gotis dy
 130v,22 sullen czu rucke werfen vnd vorsmeen dy libe
 130v,23 der werlde // Do von spricht sente augustinus
 130v,24 gar liplich vnd trostlich alle den dy do gote
 130v,25 gerne wellen lyp syn . Her spricht . “Ist das her
 130v,26 syne wonunge hat in dir . So mag dy libe
 130v,27 gotis in gen . Du bist eyn vas . yst das du vol
 130v,28 bist vnreynikeit guos vs das du hast uf
 130v,29 das du nemen mogist das du nicht en

 131r,1 hast guos uos dy werltliche lybe . vf das du
 131r,2 gevullit mogist werdin mit gotis lybe . sy
 131r,3 ku-nen mit eynandir nicht wonen i- eyne
 131r,4 herczen . Hast du angehabin got czu lyben .
 131r,5 got hat angehabin in dir czu wonen . Der
 131r,6 czarte wolgestalter herre got lip gehat wil

131r,7 lip habin dy vnreynen stynkinden . vngestalten
 131r,8 menschen adir herczen . vf das her sy schone .
 131r,9 reyne kusch . subirlich wolgestalt mache
 131r,10 in siner libe . yo dy libe gotis me vnd me in
 131r,11 dir wechsit . yo me vnd me dyne czirheit
 131r,12 vnde schonde in dir wechsit vnd czu mynt
 131r,13 // Vnde wer do wenet das her mag habin dy
 131r,14 libe ane dy hulfe gotis was tut her andirs
 131r,15 wen das her wenet sy ne macht sy vnd got .”
 131r,16 // Dese spricht sente . Augustinus // Dor vmme
 131r,17 myne allirlibsten euwir iczlicher sal mit der
 131r,18 hulfe gotis czyn syn hercze von der libe dirre
 131r,19 werlde . vnde alles das do ynne ist vnd mit der
 131r,20 libe syme schepper anhangen . vnd den lyben .
 131r,21 Vf das sy mogen smecken wy susse der herre
 131r,22 ist . Vnd von deme smacke vorsmen alle vorgenkliche
 131r,23 dinge vnd smecken mogen dy gotliche
 131r,24 sussikeit in grosir lybe . Sente augustin
 131r,25 lernet vns vnd spricht . “wer do begeit den herren
 131r,26 haben in synem herczen der sal sine libe
 131r,27 abe czin von usirsten dingen von yteler ere .
 131r,28 von synen vrunden . vnd dor noch von allen
 131r,29 dingen dy man nicht mag mit gote in gote

 131v,1 vnde durch got liben” // Alhij mogit ir merke-
 131v,2 das alle sussikeit . alle richtum . alle obirvlussikeit .
 131v,3 alle mechtikeit . alle vrolichkeit . vnd
 131v,4 wu-nesamekeit der scheppunge vnd desir
 131v,5 werlde dy mogen wol pynegen des hercze
 131v,6 der menschen . Abir sy ku-nen nicht setigen
 131v,7 vnd sat machen dy herczen // Sunder der almechtige
 131v,8 got der mag alleyne irvullen vnd
 131v,9 setigen eyne hungerige vnd eyne dorstige
 131v,10 zele in siner libe // Dor vmme dy lybe- menschen
 131v,11 dy sich gote irgeben habin in eyn geistlich
 131v,12 leben haben czu rucke geworfen alle vorgengliche
 131v,13 dinge . vnde alle dinge dy in der werlde
 131v,14 sint uf das sy lyben mogen geistliche dinge
 131v,15 Eyn spyse . Eyn v-mevang geistlich lycht .
 131v,16 vnde eynen sussen roch des ynnersten menschen
 131v,17 Dor vmme sy alleyne ruwe . vnd setikeit
 131v,18 vynden // Von sulcher lybe spricht sente Augustyn
 131v,19 in deme buche der bychte . O myn
 131v,20 got was habe ich lyp wen ich dich lybe .
 131v,21 Nicht dy gestalt des lybes nicht dese czyru-ge
 131v,22 der czit . nicht des liches schym nicht sussen
 131v,23 gesang . nicht der blumen czirheit noch wol
 131v,24 rychende wurcze . nicht hymmelbrot vnde

- 131v,25 honyg . nicht wolgeschickte vnde wolgestalte
 131v,26 gelede der menschen . nicht den vmmefang
 131v,27 vlyschlicher dinge . Das habe ich alles nicht
 131v,28 lyb vnde habe mynen got lyp vnde roch dy
 131v,29 spyse . Dy stymme vnd vmmefang mynes

 132r,1 ynnersten menschen wen ich mynen got
 132r,2 lyp habe der myner zeile irschynet . Das dy
 132r,3 stat nicht begryfet . Dy ir vorlutet das dy
 132r,4 czyt nicht ruwet . Do her smecket nicht das
 132r,5 gemynret wirt von deme vrose . Do her an
 132r,6 henget vnde blybet das nicht mag abe scheyden
 132r,7 dy setikeit
 132r,8 UOn den dingen dy dy menschen reysen
 132r,9 vnde vordirn got czu lyben mogit Ir
 132r,10 wissen noch den Worten uwers lyben vatirs
 132r,11 vnd lerer . Augustini . Das kein ding also
 132r,12 togelich vns ist czu yrwecken dy liebe gotis
 132r,13 in vns . Als das gedechnisse der gute vnde
 132r,14 barmherczikeit des almechtigen gotis .
 132r,15 Dor vmme myne seligen nemet czu herczen
 132r,16 in uwer gedanken alle wege dy grose gnade
 132r,17 vnd woltetikeit . Dy uch der almechtige got
 132r,18 bewyset hat me wen andirm menschen .
 132r,19 me wen koningen . vnde vurstē me wen
 132r,20 allir werlde menschen // Merkit vnd gedenkit
 132r,21 wy vil geslechte vnde menschen . Kōinge .
 132r,22 vnde vurstē . vnd mechtige ryche . vnde
 132r,23 arme allirleye lute syn gewest . vnd noch
 132r,24 sint uf erden dy alczumol ane gelouben xp-i
 132r,25 vnd ane syn bekentnisse syn vnde syn gewest
 132r,26 vnd gevallen in das ewige vortu-nisse
 132r,27 ane ende . Gedenket wy vil gewest sint der
 132r,28 krysten lute mit den namen dy toufe entpfangen
 132r,29 han abir ir leben czu brocht han

 132v,1 in wullustikeit . in vnkuscheit in vleischlichen
 132v,2 vnreynem leben in allen sunden . vnde dor ynne
 132v,3 in yren sunden sint gestroben dy alle sint weg .
 132v,4 der ny-mer keyn rot wirt // Gedenke wy vil
 132v,5 starke mensche kluge . ryche wyse gewest sint
 132v,6 dy alle vorgangen sint . vnd vor alle dy der
 132v,7 almechtige got nicht us eyne geistlichen leben
 132v,8 nicht vs eyne kussche- lebin // Sunder us
 132v,9 der tyfen vnreynikeit vnd us der munde des
 132v,10 vortumenys uch hat gerufen vor andir menschen .
 132v,11 in diesem wyngarten des herren sabaoth .
 132v,12 Vf das ir mogit nuwe vrucht der gebort in

132v,13 der liebe vnsirs herren ihesu cristi . vnd ouch
132v,14 myne gar lieben dy woltetikeit des herren gedenkit .
132v,15 vnde bedenket . Sundir ouch uwir
132v,16 sunde wy das ir swere gesundiget hat . nicht
132v,17 das ir luste dor ynne habin sullet . Sundir
132v,18 wy das lypliche vatir ihesus uch mit der ruwe
132v,19 vnde buse hot vorgebin uwir sunde . vnd
132v,20 sy nv-mer wil gedenken . Vnd uch nemen
132v,21 czu synen lieben tochtirn vnd dynen . Ouch
132v,22 als eyne iczliche ynnige swester alle wege bedenke
132v,23 dy grose lyphabinde . milde obirvlussige
132v,24 czuckirtryfinde bar-harczige gute yres lieben
132v,25 vatirs vnde herren . wy das der herre mit
132v,26 synen gnoden se visitiret . suchet vnd trostet
132v,27 vnd syne libe meret vnde yrgueset in yren
132v,28 herczen . Recht ab der herre vorgesse alle ding
132v,29 vnde alleyne synen vlys vnd syne liebe an ir